

HO


02

210

BIBLIOTHECA S. J.

Maison Saint-Augustin
ENGHIEN

6



HO 02/210

**CONSTITUTIONES,
ET
REGULÆ
CONGREGATIONIS PRESBYTERORUM
Sub invocatione Sanctissimi
REDEMPTORIS.**

APPROBATÆ,

A

SANCTISSIMO DOMINO NOSTRO S. M.

P A P A

BENEDICTO XIV.

Auctore P. Alph. de Liguorio

Secunda Editio.



ROMÆ MDCCLXXXII.



Per ARCHANGELUM CASALETTI.

Cum Licentia Superiorum.

Advocatus Urbanus Philip: Majani con-
ferat cum originali, quod asservatur in
Archivio S. Congr: Episc: & Regular:

*F. An: Marcucci Patriarcha Constant:
Administrator Montis Alti in Piceno
Vicesger:*

Obsequens mandatis Illmi & Rmi Dni
Urbis Vicesger: cum originali contu i, &
conformem reperi. Die XIII. Decembr:
1781.

Urb: Philip: Majani.

Attenta Collatione Domini Revisoris
Reimprimatur, si videbitur Rmo P. M.
Sac: Palatii Apost:

*F. An: Marcucci Patriarcha Constant:
Administrator Montis Alti in Piceno
Vicesger:*

REIMPRIMATUR.


*Thomas Maria Mamachius
Magister Sacri Palatii Apostolici.*

BENEDICTUS PAPA XIV.

Ad futuram rei memoriam.

Ad Pastoralis Dignitatis fastigium nullo licet meritum nostrorum suffragio per ineffabilem divinæ sapientiæ, atque clementiæ abundantiam evehi, ea, quæ a Christi fidelibus, quibus pro salubri Societatum, aut Congregationum piæ, sanctæque institutarum uberes pietatis charitatisque fructus Deo adjuvante, atque incrementum dante proferre jugiter satagentium, & felicique personarum illis adscriptarum, & pro tempore adscribendarum in via mandatorum Dei progressu providè, prudenterque constituta, & ordinata esse dignoscuntur, ut firma semper, atque illibata persistant, Apostolici muniminis nostri præsidio, cum id a Nobis petitur, libenter constabilimus. Exponi siquidem nobis nuper fecerunt dilecti Filii Alphonsus de Liguri Neapolitanus, alique Præsbyteri Regni Neapolis, quod ipsi alias, nempe anno 1732. in unum congregati, ut Sancti Evangelii mandatis inhærere, ac propriæ, & aliorum Christi fidelium, præsertim eorum, qui in apertis planitiis longe ab Evangelicis Operariis moram

trahere solent, animarum saluti consu-
lere valerent, præviis simplicibus, nempe
paupertatis, vitæ communis, castitatis,
& obedientiæ Votis sese devinxerunt, &
unam societatem seu congregationem
Presbyterorum Sæcularium Sancti E-
vangelii Operariorum sub invocatione
Sanctissimi Salvatoris, cujus dictus Al-
phonsus perpetuus Rector deputatus, &
electus existit, erigi curarunt, ac omni-
modæ, & immediatæ Ordinariorum ju-
risdictioni semper, remansuri sese sub-
jecerunt, ac interea temporis in nonnul-
lis Regni Neapolis Diæcesibus suas Do-
mos erexerunt, in quibus de eorum re-
spectivæ Ordinariornm licentia sacras
Missiones, Spiritualia Exercitia, alia-
que pietatis, & charitatis opera magno
cum animarum progressu peragere, &
exercere pergunt, pro felici vero, pro-
spereque, ejusdem Congregationis re-
gimine, & gubernio, ac pietatis ope-
rum directione nonnullas Regulas, seu
Constitutiones, vel Statuta per eosdem
Præsbyteros observanda, & juxta eo-
rum Institutum accommodata condere cu-
rarunt tenoris sequentis, videlicet:



CONSTITUTIONES,

ET

REGULÆ

Congregationis Presbyterorum sub invocatione Sanctissimi Redemptoris.

Cum finis Instituti Sanctissimi Redemptoris nullus omnino sit alius, quam unire Sacerdotes seculares, qui simul vivant, virtutesque & exempla Jesu Christi Redemptoris nostri imitari sedulo conentur, consecraturi se totos prædicationi verbi Dei pauperibus. Ideo Confratres Congregationis istius autoritate Ordinariorum loci, quibus subjecti semper erunt, potissimam operam impendent in juvanda plebecula paupere per suburbana, per remotiores urbis regiones, per villas & ruri habitante, longiusque a spirituali succursu remota, ope catechesium, spiritualium exercitiorum, & sacrarum Missionum. Pro hoc effectu domus eorum, quantum fieri poterit, in sub urbanis & in illa regione atque distantia stabiliantur, quæ majori cultura indiget, & quæ judicio Ordinarii loci & Rectoris Majoris Congregationis magis op-

portuna esse videbitur, quatenus minus distracti & impediti, illum facilius acquirant spiritum, qui tantopere necessarius est Operariis evangelicis ad excolendum populum magis derelictum.

PARS PRIMA

De Missionibus & aliis Exercitiis.

CAPUT PRIMUM.

De Missionibus.

I. **Q**uoniam Missionum exercitium unus e principalioribus Instituti finibus est, in hunc igitur finem Congregati singuli primum suum studium vertere debent. Missiones ipsius Congregationis sumptibus peragantur, neque liceat unquam si-ve a Communitatibus in quibus Missiones fiunt, si-ve a Particulari quovis illos repetere; tantum modo permissum esto a Particularibus recognitionem impensarum acceptare, usque dum domus Instituti sufficientibus redditibus provisa fuerint.

* *

„ Congregatio & Superior Generalis
„ curanto ut seculares juvenes in Congre-
„ gationis domibus instruantur in litteris

„humanioribus, Grammatica, Rhetorica,
„Philosophia, Theologia, aliisque scien-
„tiis, & bonis disciplinis.” = *Decret:*
Capit: Gnlis.

II. Quilibet Rector localis cujusvis domus. Subjecta pro Missionibus destinabit, nisi forte ab ipso Rectore Majore aliter determinatum fuerit, ad quem totius Congregationis gubernium pertinet. Ad Missiones ad minus duo vadant: & semper quantum possunt, pedibus; solum necessitatis gratia permittitur vehiculorum usus.

III. In loca, quæ a Congregatione Missiones receperunt, redeant denuo infra spatium ad summum quatuor aut quinque mensium, ad faciendum aliquod aliud exercitium publicum Concionum, attamen brevius & cum minori numero operariorum, ad finem stabiliendi & solidandi fructus, ope præcedentis Missionis facti.

IV. Quoniam usum hunc renovationis Spiritus post elapsos aliquot menses a Missionibus, populis mire proficuum, eorumque animarum saluti sane quam maxime utilem esse quotidiana experientia comprobavit; idcirco semper in Instituto observetur.

V. Ne vero Exercitium istud Missionum negligatur, utque Congregati vocationis suæ scopum semper præ oculis habeant,

omnes conatus in auxilium animarum, ope spirituali magis destitutarum, impendendi: ideo potissimum conentur evitare occupationes & negotia distractiva; non compareant in proceffionibus, aut functionibus & officiis publicis: non afsument onera dirigendorum Seminariorum, Monialium, aut Conservatoriorum; non illis tradant Exercitia spiritualia, nisi occasione Missionis aut aliorum exercitiorum quæ in locis, in quibus, sive in quorum vicinia talia monasteria existunt, dari contigerit. Ex hac ipsa ratione prohibentur pariter Congregationis Individua curas animarum, & Conciones quadragesimales extra proprias Ecclesias acceptare.

* *

“Capitulum Generale declaravit, quod Regula, ista noluerit vetare directionem spirituales Monialium & similium domorum, sed solum directionem temporalem, & exercitium Confessarii ordinarii ac perpetui Monasteriorum. Quantum spectat ad Exercitia spiritualia, illud ipsum Capitulum declaravit, & quatenus opus, dispensavit, quod nempe Congregati ab Episcopis aut Ordinariis, qua Missionarii requisiti & vocati, instituire possint cum Monialibus recollectiones, seu Exercitia spiritualia.” (*Acta Capit: Genlis*
Autor: Apost: approb:

VI. Præ omnibus autem hujus Instituti subjecta sic vitæ suæ rationem instituire conentur, ut ne minimam quidem mali

exempli & offensionis umbram præbeant, sic se gerant, ut venerationem & æstimationem populi nunquam non mereantur. Motivo charitatis non permittant se induci in negotia quæ agunt de Matrimonii & Contractibus ineundis, de Testamentis faciendis, nec fiant Compatres, nec in alia se ingerant negotia talia, e quibus communiter Operariorum evangelicorum contemptus, & inquietudines Partium derivare possint; supra quod, ut pote rem maximi momenti speciale onus, & gravis obligatio Superioribus imponitur.

* *

” Capit: Gnle in virtute hujus regulæ expresse, vetuit, ne quis Congregatorum, sit Superior, vel quisquis alius Subalternorum, audeat prandium vel coenam sumere in domo cujusvis Sæcularis, præcipue de nocte, nisi fuerint invitati, vel a Patrono loci, vel ab Episcopo. ”

Pro domo nostra in urbe Roma & in aliis Regiis, Capitulum se permittit prudentiæ Superioris Generalis aut ejus Vicarii. Non vult tamen regula hæc prohibere, siquis in itinere fuerit, & non potuerit commode reverti domum sive ad prandium, sive ad coenam, vel si invitatio facta fuerit a Viro eximie alicujus distinctionis, qui abeundo & recusando offenderetur. Eodem pariter modo non prohibentur Individua extra domum acceptare oblatam sibi Cioccolatam, Caffee, potum ex Limonia, vulgo Limonade, fructus, vel Sorbentia gelu concreta, idque solum ne regula convenientiæ offendantur. Decr: & Ord: Cap: Gnrl:

CAPUT SECUNDUM.

De aliis Exercitiis

I. **N**e autem in locis, ubi fundatæ sunt domus Instituti, animæ incolarum, occasione Missionum; quibus Congregati per Dioecesim occupantur, beneficio auxilii spiritualis prorsus destitutæ maneant, ideo cujuslibet domus Individua, quæ pro tunc a Missionibus vacant illas in spiritu excolere studeant. In suis itaque Ecclesiis saltem singulis Dominicis, Festivis diebus, nec non singulis Sabbatis in honorem Beatissimæ Virginis, Conciones formales dicere tenebuntur.

*

II. " Quoniam amabilissimus Redemptor Noster Christus Jesus nullum magis patens memoriæ Passionis & Mortis suæ, nostræque per id Redemptionis signum nobis reliquit, quam suæipsius Sacratissimæ & Divinæ Personæ in Augustissimo Altaris Sacramento realem præsentiam, non utique alium ob finem, nisi ut Fideles adeo immensæ Charitatis, Ejus continuo memores, amore reciproco se se cum ipso identidem arctius conjuncturi, frequentius divina Ejus carne pasci, pane hoc mystico, quo operante vitam abundantius

„ habeant, confortari toto corde desi-
 „ derent; utque ejus apud nos commu-
 „ ratio hypostatica suos continuo in spiri-
 „ tu & veritate adoratores habeat, qui
 „ in tam diversis iisque non raro gravissi-
 „ mis hujus vitæ animæ & corporis ne-
 „ cessitatibus ac periculis constituti, fon-
 „ tem supernaturalem omnium gratiarum
 „ & remediorum præsto ubique adinve-
 „ niant, unde tam animæ quam corporis
 „ medelam efficacissimam haurire pos-
 „ sint: ideo Vocationi Congregatorum
 „ SSimi Redemptoris nihil verius, nihil
 „ magis proprie convenit, quam eorum
 „ Instructiones, Conciones & Exhortatio-
 „ nes eo potissimum dirigere ut fideles,
 „ cum cognitione perfecta & executione
 „ obligationum hominis Christiani pariter
 „ & devotionem singularem, amorem-
 „ que tenerrimum erga Sanctissimum Al-
 „ taris Sacramentum conjungant. Ad
 „ hunc effectum non intermittant singulis
 „ diebus tam mane quam Vespere San-
 „ ctissimum, decentiori quo possint, &
 „ ad devotionem ciendam aptiori ornatu
 „ excultum, publicæ adorationi in Osten-
 „ sorio exponere; & ipsi tam Sacerdotes
 „ quam Fratres servientes singulari de-
 „ votionis & teneritudinis affectu in sei-
 „ psis exemplum imitationis aliis exhi-
 „ bere. Hæc exercitia non solum in præ-

„priis Instituti Ecclesiis, sed etiam in Missionibus inviolabiliter servantur.”

III. Præterea in suas domos admittant tum Ecclesiasticos tum Sæculares, præsertim tempore Sacrarum Ordinationum, si qui Exercitia spiritualia absolvere desideraverint; Nummodo in loco ubi domus Instituti istius fundata est, non sit etiam domus RR. PP. Missionariorum Scti Vincentii a Paulo, specialiter Institutum Sacrarum Recollectionum profitentium. Quodsi tamen tardius superveniat fundatio dictorum Patrum in loco, in quo domus Sanctissimi Redemptoris jam stabilita sit, & usum Sacr: Recollectionum exerceat, manebit ista in possessione juris tradendorum Exercitiorum spiritualium.

* *

a.) Quamquam Institutum nostrum pro scopo suo Missiones externas & Exercitia spiritualia domi persolvenda habeat, vult tamen Regula, ne animas illarum regionum, ubi fundatæ sunt domus nostræ, omnino derelinquamus, sed assistamus illis in spiritali, ope Confessionum, Catechismorum, Exhortationum, Cónctionum, aliisque modis quos Institutum nostrum exhibet. Propterea Patres solliciti sunt, ut diebus Confessionum in Ecclesiam rite veniant, Sacramentumque Pœnitentiæ & Eucharistiæ administrent.

b.) Missæ dicantur in ordine, ne populus frustretur commodo audiendi illas; & quidem celebrentur usque ad certam horam convenientem, præcipue ubi datur concursus populi; & in hoc

puncto Rector domus imponat orationem, quæ mînistris opportunum duxerit.

Ex Concessione Papæ Clementis XI. & Pii VI. possunt omnes Congregati in Redemptoris perpetuis temporibus tam in eorumquam in aliis Ecclesiis Civitatum & locorum, in quibus Sacras Missiones exercebunt per horæ spatium ante auroram, & post meridiem, extra vero Missionum tempus, per dimidiæ horæ spatium Missas libere celebrare. (Extant Originali in Arch: Generali.)

c.) Expositio Sanctissimi Sacramenti, pro ut Regula ordinat, singulis diebus fiat in Ecclesiis nostris, nec propterea, quod forte in parochiali quoque fieri soleat, intermittatur, æque ac solitæ functiones Concionum, Discursuum, Exhortationum, Catechismi, &c. &c. Rectoris pariter erit sustinere & conservare Congregationes particulares, in salutem animarum stabilitas, imo promovebit illas pro iudicio suo, vel curam illarum dabit cuidam Patrum, qui Zelo & Spiritu præceteris distinctus sit. Communitas insuper tenetur intervenire ejusmodi functionibus & Novennis a Directorio particulari stabilitis.

d.) Quovis anno, statò duntaxat tempore, permittente loco, & nullo alio interveniente impedimento, instituantur in Ecclesiis nostris Exercitia spiritualia publica cum populo, quæ in forma solita fiant, & non nisi octo, ad summum decem dies durare debent.

e.) Ultra illa Exercitia spiritualia, quæ dantur Ecclesiasticis, aut Ordinandis, aut etiam aliis Individuis, juxta ipsorum Directorium, adesto in omni domo Pater, cujus sit assistere illos, qui extra tempus solitum Exercitia spiritualia soli in Secallu facere vellent.

f.) Cum Regula non determinet tempus per quantum tam Ecclesiastici quam Sæculares in domos nostras pro Exercitiis spiritualibus privatis secedentes, ibi commorari possint, Capitulum prohibuit Rectoribus localibus & Superioribus domum detinere, vel morari permittere Exercitantes, sive Ecclesiasticos, sive Sæculares in domibus nostris, ultra dies 15, nec etiam ipsis, forte volentibus, id concedi debere, nisi casus extraordinarius intercesserit.

g.) Iustis quoque ex motivis Capitulum Græce decrevit, quod periodus Missionum durare non debeat Menses magis sex; in hujus autem temporis decursu, idest, post mensem tertium vel quartum Superior Missionis prout magis oportunitatem ipsi videbitur, cuique Missionariorum indulget Mensem unum, quo & Spiritum & corpus reficiat domi — *Decr: Capit: Gnalis Autor: Apost: Bened: XIV. & Pii VI. appr:*

PARS SECUNDA.

De obligationibus particularibus Congregatorum.

CAPUT PRIMUM.

De Votis Paupertatis, Castitatis, Obedientiae & Perseverantiae.

§ I.

De Voto Paupertatis.

I. Omnes Congregati vitam perfecte communem vivant, & in omnibus unifor-

mes sunt. Ideo domus quaelibet de omni re necessaria suis provideto: qua pauperes contenti sint victu parco, absque ullo partium respectu, non obstante diversitate officiorum, munerum, & qualitate personarum. Ipso autem tempore, quò corpus reficitur, anima pabulo spirituali nequiquam privator, quod lectione libri alicujus spiritualis procurebitur.

* *

a.) In Instituto nostro sancta & inviolabilis observetur semper vita perfecte communis, & omnis sollicitè removeatur particularitas, quæ huic obesse possit. Domus vero respectivæ suppeditant Individuis suis quæcunque necessaria ipsis occurrant, semper tamen juxta regulam Sanctæ Paupertatis; ideoque quisque nostrum, sive sanus, sive infirmus sit, victu, vestitu, & quacunque alia re necessaria provideatur. Prohibitum autem est expressis terminis singulis Individuis, habere in cubiculo suo quæmcunque rem propriam & particularem, sint lintea, quibus actu non utatur, vel edulia, v. g. Cioccolata, Caffee, Bellaria, Tabacus, & alia idgenus, nam omnia prorsus occurrente necessitatis casu, a Superiore vel a destinato Officiali peti debent. Si quis vero dono aliquid acceperit, immediati illud ad Superiorem deferat, ut communitati incorporetur.

b.) Prohibitum est Congregatis, idque sub gravi pœna, etiam expulsionis e Congregatione, apud se, vel in manibus cujusdam alius individui, sub quocunque domini titulo, in domo ipsa, vel extra domum, habere pecuniam; Ita ut de illa pro arbitrio suo dispendere possint, nec licet habere

pecuniam in Cassa depositi sub titulo restitutionis, vel sub quocunque alio, quia talis adfit res ipse; idem valet de rebus aliis, quæ sint magni valoris & pretii. Nec Rector poterit Congregato permittere quantamcunque summam nummorum in proprium ejus usum, nec etiam concedere, ut sibi emat, vel ab aliis emi curet aliquid, vel pecuniam sibi mitti procuret sive a respectiva familia, sive ab alio quodam Individuo, nisi voluerit illam submittere arbitrio Superioris.

c.) Superiores, si tamen sancta paupertas, & conservatio vitæ perfecte communis ipsis cordi sit, nolint unquam concedere Congregatis licentias generalis utendi perpetuo re aliqua, quæcunque illa sit, sed dentur licentiæ semper pro quolibet occasione occurrente excepta re aliqua, quæ forte subjecto cuidam pro longiori tempore absolute necessaria foret.

d.) Inculcatur Rectoribus & Superioribus Charitas & Amor adversus Congregatos, succurrant illis cum effectu, in quovis casu necessitatis, præcipue quando jussu Superioris Generalis, vel in negotiis Communitatem respicientibus iter suscipere debuerint, instruantque eos rebus necessariis, ne coacti sint in via ab aliis sibi illas prospicere, aut victum & vestes aliunde procurare. Sed Congregati semper reminiscantur S. Paupertatis, quæ obstricti sunt. Superiores Generales huic articulo attentissime invigilent, nec desint corrigendo & puniendo Superiores illos, qui vitio tenacitatis circa hæc fuerint deprehensi negligentes.

e.) Vespere seris græ ante ben. dictionem Mensæ, stantibus Congregatis omnibus in locis suis respectivis, legatur Evangelium ab Hebdomadario: Joan: 13. ante diem festum Paschæ &c. quo finito, & sedentibus omnibus, Superior, vel alius ab

eo constitutus, osculetur pedes Sacerdotum & Clericorum; Minister Fratrum Servientium; & Magister, Novitiorum.

f.) Exceptis feriis 5tis & aliis diebus recreationum, in quibus post brevem lectionem Scripturæ Sacre, dispensabitur a silentio, reliquis omnibus hebdomadæ diebus, & mane & vespere fiat lectura mensæ; & quidem, postquam mane lecta fuerint non nulla ex Sacra Scriptura, idquod fiat Capite aperto omnium, & stantibus omnibus, usque dum Superior signum dederit, legatur Martyrologium, deinde vel vita cujusdam Sancti, vel historia ecclesiastica, vel alius quicumque liber Spiritualis. Vesperis, cum lectus fuerit liber, qui tractet de Eminentia & Virtutibus Beatissimæ Virginis Mariæ; rursus dato signo, legitur ex libro qui ultimo loco lectus fuit mane. Die Sabbati autem legatur Vesperis potissimum de Regulis & Constitutionibus, & postea aliquantulum de Gloria Beatissimæ.

g.) Inter secundam mensam præsentibus manducantibus non minus tribus, non omittatur lectura Spiritualis, & quidem eadem repetatur materia, quæ inter primam legebatur, exceptis diebus supra memoratis, duretque usque dum manducare sinterit. Congregatus ordine primus mensæ assidens. Terminata lectione & mensa, illi, qui remanent pro detegenda tabula, poterunt loqui, sed submissa duntaxat voce, & absque rumore. *Deer. Capit. Gnlis.*

II. Vestitus quoque Congregatorum pauper esto, attamen honestis Sacerdotibus conveniens. Prohibetur autem illis omnis usus serici, & cujuscunque alterius rei vanitatem & levitatem præse-

ferentis: sicut etiam tam in particulari, quam in communi usus cujusvis rei ex auro vel argento, exceptis vasibus paramentis, & ornamentis Ecclesiæ. Vestis talaris, pallium & tibia sint e lana communi, permittitur tamen usus tibialium e filo lini aut xylii. calcei modo ordinario consuti sunt.

* *

a.) Vestis talaris confecta fit ex tela lanea, in pectore uno vis ferreis parvia clausa; manicæ sint arctæ cum tribus nodulis ejusdem materiæ; collare eidem vesti unitum, esto aliquantulum altum, in proportionem personæ Individui, cum supercellari albo ex tela communi absque plica & colore, & quasi totum collare vestis contegat, illudque soli Clero permittatur, nam circa fratres servientes Constitutiones Capituli aliter decreverunt.

b.) Cingulum fit ex fimbria panni, & supra vestis (Italis la Zimarra) ex panno ordinario. Pallium poterit esse vel ex panno, vel ex tela lanea, cum collaris alto collum circumcunte, & ligula lanea simplex, absque vanitatis indiculo. Tempore æstivo nunquam sine pallio exeant. Calcei sint simplici modo confeti, prohibetur in eis omnis elegantia & varietas ad morrem sæculi; loco fibiarum quæ calceum ad pedem firmum teneant, noduli ex corio facti adhibeantur. Mitrula pro usu tegendæ tonsuræ esto ex panno subititi, five tela lanea, aut crine texta.

c.) Baculus, si quis illo utatur, fit ex ligno simplici, absque pomo, aut alio ornamento vano, solum esto cum traverso.

d.) Omnes, Patres & Fratres gestabunt ex latere sinistro Rosarium 15. Decadum, filo ferreo incatenatum, consistens e granis vulgo: Frutill, & non facile ex alia materia. Poterunt item ex collo gestare Crucifixum, præsertim in itinere aliquo, ex aurichaleo in Cruce lignia ordinaria, suspensum ex funiculo laneo nigro.

e.) Inviolabilis servetur mos Tonsuræ, & capillorum brevium, prout nunc viget, & Rectores invigilent, ne abusus in his irrepant.

f.) Usus rerum ex auro five argento vetitus est in communi & particulari, permittitur tamen, imo convenit habere quasdam ex argento, vig: Cochlearia, cultros &c. &c. sed solum certorum majoris distinctionis Virorum gratia, qui domos nostras interdum invisere solant.

g.) Prohibitum est omnibus thecas Reliquiarum pro se habere argenteas, Crucifixos vel figuras multo pretio comparatas, aut pyxides tabacarias coloris immodesti, & Sacerdot: minus convenientis. = *Decr: Capit: Genrlis Autor: Apost: Pis VI. appr:*

III. Cubicula sint parva, mobilis suppellex pariter pauper, & uniformis in singulis, nimirum permittitur in quolibet cubiculo una mensula cum scrinio absque sera: tria sedilia: paucae imagines chartaceæ: effigies Crucifixi lignea: duo aut tres libri Spirituales & Scriptura Sacra: alios libros, si quis indigeret, poterit habere ex Bibliotheca communi cum licentia Superioris, sicut & reliqua necessaria pro suo commodo.

IV. Quamvis Congregatus quilibet promoveri debeat ad Ordines titulo Patrimonii sui, istius tamen usus singulis interdicitur. Idem valet pro titulis beneficiorum ecclesiasticorum, pensionum, capellaniarum quæ forte habeat Congregatorum quis, & omnium aliorum bonorum, quæ possideat. Hac igitur de ratione omnes proventus & redditus ex quocunque titulo, & quovis jure Individuis Instituti istius pertinentes a respectivis Superioribus administrabuntur & impendentur.

* *

Alexander PP. VII. in Brevi: Sacrosancti d. 26. Aug: 1659. — Clemens X. in Brevi Dudum d. 6. Junii 1676. & Pius VI. sub 20. Octobr: A. 1781. per Communicationem & extensionem Privilegiorum, Gratiarum & Concessionum, indulgit. Ut post vota Simplicia Obedientiæ, Castitatis & Paupertatis, nec non Vetum seu Juramentum in eadem Congregatione perpetuo perseverandi, omnes Clerici de licentia Superioris Generalis aut ejus Vicarii, vel Provincialis, ad omnes Sacros Ordines (Servatis Servandis) promoveri valeant, ad titulum prædictæ Congregationis; neque sine hujusmodi licentia Præpositi Generalis vel Provincialis, etiamsi titulum aliunde habeant, ordinari possint sub pena suspensionis ipso facto incurrenda.

V. Rerum minutarum quas pro suo comodo habent, eum solum modo usum facient, ad quem sibi a Superioribus concessæ fuerint. Imo prohibetur om-

nibus & singulis ne donent quidquam eorum sine licentia Superiorum quæ habent, neque dono aut commodato ab aliis pro usu proprio sine eorundem licentia suscipiant.

VI. Conformiter Voto huic, ejusque virtute, nemini licitum esto desiderare aut prætere, neque directe, neque indirecte quidquid sit Dignitatum, Beneficiorum & Officiorum extra Congregationem; imo etiam oblata sit, recusare tenentur; nisi forte a Summo Pontifice, aut Rectore Majore, formali præcepto obedientiæ urgeantur ad aliquod eorum suscipiendum. Hæc omnia exactissime servari debent, sub pœnis gravissimis, etiam expulsionis e Congregatione siquis contravenire ausus fuerit. Imo ipse Superior, etiamsi Generalis, qui ob nimiam animi debilitatem aut lenitatem contra paupertatem innovari quidquam permiserit, quod plenissime probatum esset, ab Officio suo deponi, atque voce activa & passiva privari potest.

VII. In nullo caso qualiscunque penuriae aut necessitatis, licita unquam esto mendicatio, sed a Divina Providentia succursum sperent: in enormi tamen aliqua indigentia permittitur Superioribus ut alicui suorum Benefactorum per se vel

per alios inopiam præmentem aperire possint.

VIII. Quoniam singula Congregationis Individua jus proprietatis suorum bonorum temporalium, semper retinent, ideo etiam de istis disponere poterunt, sed non nisi in beneficium suorum consanguineorum; & si quis dispositionem talem in favorem istorum facere nolit, illam in beneficium Congregationis instituere tenetur. Congregatio tamen legata aut donationes a talibus subjectis nunquam acceptabit, quæ Consanguineos pauperes habeant; in dubio autem de paupertate dictorum recurraur ad Ordinarium proprium Congregati pro cognoscenda rei veritate. Unde.

* *

a.) Quisque Nostrorum in vita & in morte disponere potest de bonis suis, & quo ad Proprietatem Contractus Venditionis, Permutationis, Donationis, Testamenti, & cujuscunque alius dispositionis, modo omnia fiant juxta regulam & cum consilis, & intelligentia Superiorum.

b.) Quisque Congregatorum potest quidem disponere de suis bonis in beneficium animæ suæ & suorum Consanguineorum; cum autem talem vult facere dispositionem, scilicet in beneficium animæ suæ, facere illam debet in favorem Congregationis, permittendo totum ad mentem & dispositionem Superioris Generalis ut Vicarii ejus.

c.) Cum quisque Congregatorum possit, si velit, disponere de omnibus bonis suis in favorem

Congregationis, non potest tamen eo modo disponere, ut Congregatio talibus ac tantis obligationibus & oneribus aggravetur, quæ integram hæreditatis Massam absorbeant; id ipsum etiam obtinet, si Congregatus nullos Consanguineos habeat.

d.) Quod ad Ususfructum attinet, quævis ejusdem administratio & applicatio in favorem Congregationis ad respectivos Superiores spectat; salva tamen dispositione Regulæ, a C. p. Gli ordinatum est, quod si quis Noster, his omnibus non attentis, nihilominus de Ususfructu aliquam determinationem particularem in favorem Consanguineorum suorum facere velit, id aliter fieri nequeat, nisi semper cum licentia expressa Superioris Generalis, aut ejus Vicarii, ad quem pertinet tenore regulæ, dispositio, Administratio & applicatio Ususfructus proventuum singulorum Congregationis Individuorum, qui poterit sive ad tempus, sive prout sibi melius visum fuerit, in parte vel in toto illum Ususfructum in beneficium illorum Consanguineorum Individui cedere, quibus, ob rationum & motivorum sibi propositorum gravitatem, & sionem talem magis convenire judicaverit. = *Decr: Capit: Gl: Aut: Apost: appr:*

IX. Anni redditus cujusvis domus non poterunt superare summam 1500. Ducatorum; ut pote convenientem & sufficientem sustinendæ fabricæ Ecclesiæ, & domus, atque sustentandis 12. Sacerdotibus & 7. Fratribus servientibus; neque permittantur plures in una domo habitare, exceptis domibus studiorum, Novitiatus, & Residentiæ Superioris Gene-

illis, quæ, sicut majorem subjectorum numerum requirunt, ita pariter reditus ampliores habere debent, qui tamen summam 2000. Ducatorum vix excedant.

§ II.

De Voto Castitatis.

Quoniam hæc virtus Jesu Christo unigenito Dei Filio summopere placet, & tantopere necessaria est Operario Evangelico, ideo etiam Congregatos Sanctissimi Redemptoris, diligentissimos cultores, & vigilantissimos conservatores hujus virtutis esse oportet. Qua de causa maximopere cauti sint & circumspecti in conversatione cum altero sexu: non adeant domos pœnitentium, aut aliorum sæcularium absque necessitate urgente & absque expressa Superiorum licentia; semperque cum socio a Superiore dominatim sibi destinato.



a.) Congregatis omnibus & singulis commendatur religiosa sensuum custodia; & virtus Sanctæ Modestæ, præcipue cum necesse fuerit personis diversi Sexus loqui. Et quoniam hæc virtus cuique Operariorum Evangelicorum quam maxime cordi esse debet; ideo omnes plane occasiones illæ evitari debent, e quibus non modo animæ detrimentum oriri possit, sed ea etiam quæ attentionem suppositionemve

quandam alterius excitare queant. Quapropter omnibus prohibentur minus necessarii ad familias secularium officiosi aditus, nisi Convenientiæ lex illas expostulet, qui tamen semper fiant cum socio a Superiore destinato, idque horis propriis, quum quisque sub occasum solis domum se se recipere debet.

b.) Quicumque Infirmi alicujus Confessionem auscultatum vocatus vel missus fuerit, id semper fiat summa cum circumspectione, idest, non solum cum Socio, sed etiam, quantum fieri potest portâ aperta in conspectu Socii, in distantia tamen tali, ne ab aliis, sive pœnitens, sive Confessarius audiri possit.

c.) Nemo intermittat studium servandæ Modestiae, tam in induendo, quam in exuendo vestes, etiam si solus in cubiculo maneat; a fortiori si cum aliis morari necessitas exigat. Hujus demum tam Sanctæ Virtutis transgressores oportet semper puniri; imo pœna ordinaria in contravenientes esto nulla alia, quam subita dimissio e Congregatione; & omnino Superioris est cum summa Severitate adversus idgenus Individua procedere.

§. III.

De Voto Obedientiæ.

I. Subjecta hujus Congregationis debent in iis quæ respiciunt labores operarium evangelicorum, locorum Ordinariis, in quorum Diæcesibus domus suas habent, omnem obedientiam exhibere, dummodo non agatur de re aliqua a Constitutionibus prohibita, aut aliter vigore earundem instituta.

* *

Quoniam Congregati pæstare debent obedientiam omnimodam Ordinario respectu: Idcirco in omnibus operationibus ministerium Verbi Dei concurrentibus, dummodo aliquid aliunde a Regula non sit vetitum aut secus præscriptum, plenam Eidem profiteri tenentur Submissionem & dependentiam. Virtute regulæ hujus itaque sunt semper parati in objecto ministerii Verbi Divini, ire quocunque missi fuerint, exhortari, instruere, in Missionibus & extra easdem, quandocunque ab illo requisiti fuerint; ut sic labores ipsorum in majorem gloriam Dei, & in propriam ipsius Ordinarii satisfactionem procedant.

II. Exactam præterea obedientiam præstabunt primo omnibus suis Regulis & Constitutionibus, quarum fidelissimos observatores illos esse oportet; insuper omnibus ordinationibus & dispositionibus suorum Superiorum in modo tali, ut de ipsi dici possit, quod nihil voluntatis propriæ habeant, sed tota sit in eorum manu deposita qui illos gubernant. Superioribus suis omnem reverentiam & respectum exhibeant: non se excusent, nec defendant, imo cum humilitatis affectu eorum monita excipiant.

* *

a.) Delictum magnum foret, & severe castigandum, si quis Congregatorum auderet Superiori præsentis reniti, & obstinate reluctari, vel injuncta sibi non exequi. Quodsi forte ad Excusationem rationes legitimæ subfuerint, cum humilitate procedant & deinde se Superioris decisionis submittant. Quodsi vero

aliqui inobedientes inventi fuerint, & admoniti emendare se nollent, imo in morositate sua juxta libitum perseverare, neque spem ullam melioris frugis præferere conantur; ejusmodi Individua Superior Generalis ex Congregatione dimittat, eo quod non solum tranquillitatem & quietem internam perturbant, verum etiam scandalum reliquis præbent, admirationem suscitant, & detrimentum universo Congregationis Corpori inferunt.

b.) Quotiescunque Superior aliquem Congregatorum corrigit, iste vero Correctionis reum haud se esse existimet, huic, juxta regulam, non licet, nec excusare se, nec defendere. Cum humilitate excipiat correctionem & admonitionem, imo vero poplite prostratus, ad monitionem hucusque in Congregatione usitatum, reprehensionem sui auscultet. Si cui tamen ex justo aliquo motivo excusatio sui omnino videatur necessaria, fiat, sed non nisi post decursum, aliquorum dierum, idque in secreto, remotis arbitris, absque recordatione Correctionis redeptus.

c.) De Superiore sermo nunquam fiat, nisi cum reverentia, & respectu debito; intuendo in illo personam Jesu Christi, cujus ipse vices agit & sustinet, omnis quippe murmuratio repugnat Reverentiæ; quæ si contigerit, deferatur ad Admonitorem, eum in finem assignatum vel a Regula ipsa, vel a Superiore Generali.

d.) Obedientia formalis dari potest solum a Superiore Generali, ejus Vicario, a Visitoribus, a Rectoribus localibus, vel etiam ab illis qui in istorum vices substituti sunt in gubernio domus; item a Superioribus Missionum; sed ejusmodi Obedientia formalis non nisi raro, & non nisi occurrentibus causis gravissimis; & quidem in scriptis dari debet. Relate ad Superiores subalternos, plerumque conveniens erit, ut primum a Consultoribus respectiva do-

mus instituantur seriae reflexiones & considerationes antequam ad actum Obedientiæ formalis procedatur.
 Decr: Cap: Glis Aut: Clem: XIV. & Pii VI. appro

III. Absque Superiorum expressa licentia ad quemcunque literas scribere nemini permisum est, nisi velint ad Superiorem Generalem aut ejus Consultores scribere, ad quod nulla Superioris localis licentia requiritur; pari modo prohibitum est omnibus, ne ab alio quocunque, absque eadem licentia, literas recipiant, nisi a Rectore Majore aut ejus Consultoribus. Eadem ratione sine Superioris indulto non manducabunt neque bibent quidquid sit, extra tempus & locum comestitionis ordinariæ; hortum, Refectarium, Culinam, Cubiculum alterius, nullo omnino, gressu attingant, nisi habita prius venia a Superiore.

* *

a.) Si quis Congregatorum scribere velit Superiori Generali, & argumentum epistolæ, ejus sit generis, ut silentium omnino exigat, notetur in tali casu epistola in exteriori fronte involucri signo: *Sol.* Repniritur tamen: ut res de qua scribitur, revera sit ejusmodi, quæ secretum postulet, aliisque communicari nequeat; s. ut, si præterea aliud quidpiam scribendum sit, quod tale secretum non requirat, id in alia epistola distincta exponatur, & simul cum altera sub eodem involucro clausa mittatur, dummodo illa altera præter sigillatum involucrum etiam in involucro ipsa sigilletur.

b.) Prohibetur, alius atum in cubiculo proprio conveniat, nisi forsan confessionis, vel conscientiae suae pacandae, aut infirmi invifendi gratia; quae prohibitio non extenditur ad cubicula Consulto um Generatum; quae etiam abique Superioris localis licentia vifitari poffunt; id autem, fi fiat, noverit omnes & finguli, id folum ideo poffimitti, quia officii Consultorum, & diverfitatis negotiorum, quae Individua forte habere poffunt, ratio ita exigit; nunquam tamen id fiat folum difcurrendi, converfandi & garriendi gratia. Rector aut Minifter in hoc puncto non ita faciles fiut in concedendis alterius cubiculum introcundi permiffionibus, ne abufus & ordinis turbatio inde nafcantur, praefertim fi quis talem licentiam praetextu breviarii cum alio recitandi quaerat; hoc enim fieri poterit vel in Capella dormefti a, vel hypocausto communi, nunquam autem in cubiculo particulari; ab hac regula excipitur Rector, & Infirmis, cum quibus alii horas Canonicas aut alias praes recitare, vel charitatis ergo converfari poffunt.

ARTICULUS UNICUS

De fcribendis Epiftolis.

U t tandem finis imponatur tot re-
 „ clamationibus Nostrum, obvieturque
 „ omni confufioni forte, nafcituræ, Ca-
 „ pitulum Generale autoritate Sanctæ
 „ Sedis Apostolicæ congregatum, e re
 „ fore judicavit Decreta fequentia fla-
 „ tuere:

a.) „ Regula de non scribendis episto-
 „ lis sine expressa Superioris licentia, ad
 „ literam observetur in posterum, valet
 „ ordinatio ejusdem, quod Congregatis
 „ non liceat litteras exarare absque per-
 „ missione prævía Superioris, cui, ante-
 „ quam scribant, manifestare tenentur In-
 „ dividuum, cui scripturi sunt, non enim
 „ sufficit ostendere illi litteras jam scri-
 „ ptas & sigillatas. Imo si quis Nostrum
 „ in hoc contravenerit, & litteras scri-
 „ bere easque sigillare, ac tandem pri-
 „ mo Superiori monstrare ausus fuerit,
 „ Superior tunc illas, licet Sigillo signa-
 „ tas, aperiat legatque.

b.) „ Litteræ traduntur Superiori, qui
 „ illas mittet, quo directæ fuerint; si
 „ vero Superiori innotuerit, literas ab
 „ aliquo Individuo, ipso incito, e domo
 „ missas fuisse, pœnam severam a tali
 „ Congregato expetat, injungendo ipsi
 „ panem & aquam prandii loco.

c.) „ Nulli Congregatorum, nisi mu-
 „ lierum Confessario, permissum est scri-
 „ bere scæminis, nisi matri, sororibus,
 „ vel Consanguineis in primo aut secun-
 „ do gradu. Idem valet de iis qui non
 „ sint Confessarii Monialium & eis scribe-
 „ re vellent. Siquis vero Nostrum scri-
 „ pserit vel epistolam acceperit a persona
 „ alterius sexus, exceptis Individuis su-

„ pra memoratis, Superior poterit aper-
 „ rere & legere dictas litteras. Hæc om-
 „ nia non respiciunt Alumnos nostros Stu-
 „ dentes, licet Sacerdotes jam essent,
 „ nec fratres Coadjutores & servientes,
 „ nec etiam Novitios, circa quos obser-
 „ vantur quæ Constitutio illorum respe-
 „ ctiva præscribit.

2.) „ Nullus Nostrum, esto Superior
 „ subalternus, vel alius subordinatus, au-
 „ deat legere, sub quocunque titulo aut
 „ prætextu, epistolam a Superiore Ge-
 „ nerali, ejus Vicario, aut Consultori-
 „ bus adquemcunque Congregatum dire-
 „ ctam, grave enim peccatum id esset,
 „ & pœnis severissimis castigandum, quin
 „ explicatio aut interpretatio ulla in con-
 „ trarium alla a Congregatum a culpa
 „ purgare unquam valeat. Ita quoque
 „ interdictum est inquirere, aut se se in-
 „ formare de quo scribatur aut respon-
 „ deatur Superiori Generali, ejus Vica-
 „ rio vel Consultoribus. Sub eadem quo-
 „ que prohibitione non licet Congrega-
 „ torum ulli communicare aliis quæ scri-
 „ bant, aut quid responsi acceperint a
 „ prædictis Superioribus majoribus, mo-
 „ do non sint res, quæ aliunde commu-
 „ nicari debeant aliis, id quod tamen fiat
 „ ore tenus ad illum, cujus tenorem epi-
 „ stolæ scire interest, quin tamen ipsam

„ epistolam ostendat, nisi forsan alioquin
„ res indifferentes contineat.

e.) „ Sub præcepto formali Obedien-
„ tiæ prohibitum est omnibus Congre-
„ gatis scribere alicui, qui non sit mem-
„ brum Congregationis, res quæ ipsam
„ Congregationem concernant, unde da-
„ mnium aut infamia gravis in totum Con-
„ gregationis corpus aut in Congregatum
„ particularem redundare possit. *Decr:*
Capit: Gnlis Auct: Apost: approb:

IV. Præ omnibus prohibetur introdu-
cere in domum, & specialiter in cubi-
cula Congregatorum particularia, Extra-
neos; quod si necessum fuerit, intronit-
tantur in hypocænsta domus ad excipien-
dos hospites extraneos destinata.

* *

*Si quis extraneus veniat ad iuvandum aliquem
è Nostis, gaudeat cum omni urbanitate illum con-
ducito in hypocæstum audiendiæ, & simul de ad-
ventu talis Nostrium commonefacito.*

§ IV.

Votis tribus jam explicatis singuli in
Congregationem, admittendi, etiam Vo-
tum & Juramentum Perseverantiæ adde-
re tenebuntur. Hoc Juramento se se o-
bligabunt ad finem usque vitæ in com-
munitate istius Instituti vivere, & a ne-
mine

mine nisi a Summo Pontifice aut a Rectore Majore dispensationem requirere; & licet quidem in arbitrio & libertate Rectoris Majoris remaneat, dimittendi e Congregatione Subjecta quæ non sint ædificationi aliis: attamen ipsi obligatio incumbit serio coram Deo ponderandi causas, occasiones, ansas & primarias origines, quibus Subjectum aliquod a via observantiæ deflexisse poterat; in hac autem discussione cum summa rectitudine & absque ullis passi num motibus procedere illum oportebit.

* *

a.) „Obligatio Voti & Juramenti Perseverantiæ fit in favorem Congregationis, & implicat sub peccato gravi perseverationem in illa usque ad mortem; Congregatio autem tenetur sustinere quodque Individuum donec vixerit.

b.) „Ab hoc Juramento præter summum Pontificem & Superiorem Generalem Nemo dispensare potest, tenore Privilegior: *Alexandri VII. & a Clement: X. per Breve Dudum*, confirmatorum.

Quodsi quis tamen mentis vesaniâ eo usque devenierit, ut ad S. Sedem pro relaxatione votorum, quæ soli Deo nuncupaverat, recurrere velit, validam & licitam relaxationem seu dispensationem

nunquam ob inere se posse reminiscatur, nisi in petitione sua expressis terminis obligationem exponat, quam virtute iuramenti Perseverantiæ contraxit. Et quoniam penes Superiorem Generalem residet facultas dimittendi ex Congregatione qui scandalo essent aliis, ideo si unquam Congregatorum aliquis foret, qui ex consilio committeret defectus aut excessus notorios, & quidem eum in finem solum ut a Votis dispensetur & licentietur: hujus fursuris Congregatus non solum eo ipso momento, quo tale consilium concipit, gravis culpæ reum se reddit, sed ab eodem ipso momento etiam tenetur compensare Congregationi quæ pro ipso in successu temporis expendit. Id idem valet de illis, qui Congregationem ingrediuntur cum animo valedicendi ipsi, quamprimum ordinati fuerint Presbyteri.

c.) „ Sub præcepto formali obedientiæ (juxta Decr: Capit: Glis) & sub iisdem pœnis ibidem intimatis (pars 3. n. II.) irremisse prohibetur, ne quis Congregatorum, qui forte conculcata impie vocationis gratia, devotæ a se obedientiæ & vitæ Communi subtrahi moliretur, tempore quo reapse extra domum Congregationis versatur, Dispensationem a Votis & Juramento petat; quia haud pos-

fibile est cum individuo non præsenti adoperari illa remedia salutaria, expedientia, & efficacia, quibus in rectam semitam, a qua deflexit, redacti valeat.

2.) „ Si quis Congregatorum, sive ex motivis suis privatim, sive etiam necessitatis spiritualis, aut alterius gratia, ad Superiorem Generalem proficisci desideret, id facere non poterit, nisi primum obtinuerit ab ipso licentiam in scriptis; neque Superior localis ejusmodi licentiam concedere potest, nisi domus, in qua Postulans existit, una alterave hora distet a loco, ubi Superior Glis commoratur. “ *Decr: Cap: Gl: Aut: Ap: appr:*

CAPUT SECUNDUM.

De Frequentatione Sacramentorum, de Oratione, & de quibusdam exercitiis humilitatis.

§ I.

De Frequentatione Sacramentorum.

I. Sacerdotes quoquo possibili modo continentur esse ædificationi omnibus, eamque vitæ rationem ineant, ut quotidie Sacrificium digne celebrare valeant; unde saltem semel intra Septimanam ad

Confessionis Sacramentum accedant. Ad hunc finem Rector domus cum suis Consultoribus duos Confessarios destinato.

* *

a.) „Vita Sacerdotum Instituti hujus talis omnino esse debet, ut singulis diebus celebrare, & quidem digne celebrare possint. Nolint itaque intermittere exercitium Sanctarum Virtutum, & ut magis magisque indies in spiritu puritatis proficiant, saltem una vice quavis hebdomade confitebuntur, etiam si positive necessaria illis Confessio non esset.

b.) „In Rubricis & Cæremoniis ab Ecclesia præscriptis, adhibeatur summa diligentia & scrupulosa exactitudo, & Rector in hoc articulo vigilantissimus esto. Missæ Sacrificium nec nimia celeritate dici debet, nec etiam spatium dimidiæ horæ excedere.

c.) „Gratiarum actio post Missam nunquam intermittatur, duretque ad minus horæ dimidium, exceptis diebus festivis & Missionum periodis, in quibus Gratiarum actiones quadrantis horæ spatium non excedant, ut nimirum Pœnitentes commode Confessiones peragere possint. — Observent denique ut in memoratis circumstantiis Præparatio, Missa & Gratiarum actio spatium horæ unius non excedant.

ð) „ Applicatio Sacrificii semper fiat in beneficium domus respectivi Celebrantis, nisi aliter ordinatum fuerit. Tempore infra Octavam Commemorationis omnium fidelium defunctorum permixtum est cuique Nostrum quotannis semel applicare Sacrificium vel in beneficium animæ propriæ, vel cuiuscunque alterius; seclusa tamen omni potestate acceptandi quodcunque genus honorarii, elemosinæ, aut remunerationis pro facta tali applicatione. “

Præter Octavam prædictam cuivis Congregato permittitur adhuc datus aliis vicibus intra anni decursum in beneficium sui vel alterius, sicut cuique libuerit, Missæ Sacrosanctæ applicationem formare, servata tamen mox allata conditione, & cum intelligentia prævia Patris Superioris, vel illius qui Missarum curam habet.

e.) „ Ut Rubricarum executio exacta quantum fieri potest in nostro Instituto semper conservetur, hac de causa omni Primo die Lunæ Mensis, spiritualis lectionis loco, instituat in communi exercitium practicum de modo celebrandi & serviendi Missam. “ *Decr: Capit: Gnlis*
Auct: Apost: appr:

II. Congregati qui non sint Sacerdotes, ad S. Synaxia accedent singulis

diebus de præcepto Ecclesiæ festivis, ac insuper singulis feriis IVtis & Vtis cujuslibet Septimanæ, & bis omni hebdomade confitebuntur. Ad majorem in Spiritu profectum Fratrum servientium, in quavis domo Præfectus spiritualis esto, qui illos in rudimentis fidei & Regularum observatione informet.

* *

a.) Superior poterit minnere Communiones, sed multiplicare eas ordinarie spectat ad Directorem sive Confessarium cujusque, qui secundum Spiritum eorundem suorum pœnitentium in hac materia procedent. Poterit Director Conscientiæ aliquem interdicere Communionem etiam a Regulis præscripta, sed id solum in Confessione fiat & exigente motivo iusto.

b.) Accessurus ad sacram Synaxin, primum inte esto Missæ, & se se præparato ad illam per quadrantem horæ, & sumto SSmo Sacramento rursus impendito dimidium horæ in gratiarum actionem.

c.) Vespere diem Communionis antecedente, Studentes Alumni & Fratres servientes accedunto Supericrem acceptum Benedictionem, d cendo: Benedic Pater in Communionem crastinam. Ord: Cap: Gnls Auctor: Apost: approb:

III. Sollicite Rector curato, ut Sacramenta ultima, Viatici & Extremæ Uncti nis ægrotis tempestive administrentur. Dum vero ægrotus in mortis periculo jam existit, non deesto Sacerdos qui ei ass stat, eumque soletur.

* *

ARTICULUS I.

De Confessariis.

a.) „ Quoniam jure communi vetitum est audire Confessiones Sæcularium absque prævia approbatione Ordinariorum loci; hinc cuique Nostrum prohibetur, ne Ordinario se se præsentet, quin primum permissionem in scriptis acceperit a Superiore Generali aut Vicario ejus, qui tamen illam nunquam concedat, nisi duo Patres a se deputati antea Individuum examinaverint, fidemque de habilitate Præsentandi exhibuerint.

b.) „ Quemadmodum in Confessario Sæcularium requiritur approbatio Ordinarium, ita in Confessario Congregatorum ex postulat specialis determinatio & approbatio Superioris Generalis, & absque ista nullus Nostrum audeat Confessarium agere. Munus Confessarii confertur primumque in Congregatos, qui vel jam 5. annos post Vota in Instituto transsegerint, vel annum 6tum Sacerdotii expleverint.

c.) „ Nullus Nostrum potest excipere peccata sceminarum, neque Monialium sive in Clausura, sive in Conservatoriis tantum habitantium, nisi instructus fuerit

speciali permissione a Superiore Generali, non obstante quod ab Ordinario approbationem habeat. Superior Generalis in hoc puncto summa circumspeditione uti debet, nec hanc facultatem concedat, nisi viris exactæ ætatis & spectatæ probitatis, procedatque in tali negotio non nisi habita prius informatione a respectivis Superioribus subalternis, & cum consilio Consultorum suorum.

ARTICULUS II.

De Infirmis.

a.) „ Si unquam in occasione aliqua, Superioris & Individuorum Instituti Charitatem in gradu eminentiæ elucere oporteat, sane nullibi magis id convenire sapiens quisque dixerit, quam in gerenda cura erga Infirmos. Ideoque nolint intermittere illos una saltem vice quavis die invisere, ipsisque pro facultate quisque sua solatium corporale & confortationem spiritualem præstare. Quantumcunque pauper sit domus, nihil tamen omittat adhibere remedii, quod illos juvare possit.

b.) „ Rector summopere invigilet, num Præfectus, aut inserviens Infirmis, suo semper exacte fungantur officio, Me-

dici Ordinationes ad amissim impleantur, & medicamina præfinito tempore Infirmis porrigantur. Adversus negligentes in hoc puncto summo rigore Rector procedat.

c.) „ Cum Infirmi morbus videatur periculosus, ultima Sacramenta in tempore ipsi administranda erunt; speciali insuper curæ ipsi Præfecto esto, ut ægrotus, durante suæ infirmitatis tempore Sacra Communione frequenter refici desideret.

d.) „ Rector nolit impedire Præfectum Infirmorum in executione proprii officii, prout Constitutio respectiva ipsi præscribit. Cura & attentio maxima præterea habeatur erga Convalescentes, & Infirmos chronicos, ne ob negligentiam justæ oriantur quærimoniæ.

e.) „ Infirmum moriturum assistant unus vel duo saltem Sacerdotes, eumque ad mortem disponant, Communitas vero interea præces ad Deum fundat particulares pro felici exitu agonizantis, convocata ad hunc effectum signo campanæ in Ecclesiam tota communitate.

f.) „ Mortui jam, & statui congrue vestiti cadaver in Ecclesiam deportetur, comitante illud tota Communitate superpellicaeis induta cum candelis accensis, & omnia quæ rituale Romanum circa se-

pelios mortuos præscribit, observentur. Mortuo Superiore Generali non solum in illa, ubi defunctus est, sed etiam in omnibus Instituti nostri domibus erigatur monumen-um lu-ubre, modestum ceteroquin & honorabile; omnia denique alia Exequiarum & Suffragiorum officia juxta Directorii præscriptum serventur. " *Ordin: Capit: Gnlis.*

§. II.

De Oratione & Humilitatis Exercitio.

In quavis domo ubi commode fieri poterit, horæ canonicæ in communi, & in choro attente & cum Spiritu recollecto, absque cantu & modulatione recitentur.

* *

In recitatione igitur horarum unita voce, omnis omniuo vetatur c. ntus, quoniam occupationes, quæ ad animerum auxilium assumuntur, magni momenti sunt, ac nostri Instituti propriæ, & valde frequentes, nostraque habitatio tam in hoc quam in alio loco incerta; choralem insuper cantum continuum non omne Missionariorum petus facile sufferre potest, quin ædatur & ad Con- ciones, discursus sermones publicos inhabile red- datur. Solummodo Nocte Nativitatis Domini, ut- tims diebus Hebdomadis Sanctæ, & Fæsto SSni Redemptoris, secundum morem antiquum licitum alio adhibere Cantum.

„ Ubi horæ canonicæ dici solent a tota communitate in choro, non dicantur feriis Vtis neque aliis diebus recreationum, nisi iisdem diebus incidant festa de præcepto Ecclesiæ, nam hoc talis d cœntor mane quatuor horæ parvæ, in communi, Vesperæ autem & Matutinum diei sequentis, recitentur a quovis ad illa obligato, privatim. “ *Decr: Capit: Gnlis Autor: Apost: appr:*

II. Tribus distinctis temporum momentis intra diem quamlibet fiat Oratio mentalis. quavis vice per dimidiam horam; & quidem Mane & Vespere in communi ab omnibus, post meridiem vero a singulis privatim in propriis cubiculis. Meditationes istæ specialiter instituentur super materia virtutum theologicarum, vitæ & virtutum Jesu Christi, quarum vivum apographum in semetipsis repræsentare debent.

Ut autem ampliorem acquirant facultatem simul & facilitatem imitandarum & specialiori quodam modo exercendarum Jesu Christi virtutum, quovis Mense unam ex illis Virtutibus pro scopo suscipiant, quam speciali industriâ exercere conabuntur, examina particularia super illa instituent, & conventus ordinarios colloquiorum spiritualium, vulgo Conferentias, de illa celebrabunt.

Post meridiem præterea quisque privatim per dimidium horæ lectioni spirituali vacato; Sanctissimum Altaris Sa-

cramentum & Beatissimam Virginem Mariam visitato, erga quam omnes specialem devotionis & teneritudinis affectum profiteri tenentur, tertiam denique Rosarii partem omni die recitato.

Duabus vicibus quotidie Conscientiæ examen omnes in communi facient, mane immediate ante prandium, & Vespere immediate antequam cubitum eant.

Absoluto examine conscientiæ vespertino, Litanie Beatiss. Virginis recitabuntur, & petetur benedictio a Superiore.

* *

„Singulis Congregatis commendatur exacta hujus regulæ observatio, & nolint abstinere oratione mentali ob quamlibet levem causam aut motivum interveniens: Rector in hoc puncto esto vigil exactissimus, nec faciles præbeto aures, qui forte exemptionem roget.“

Si quis ob indispositionem quamdam physicam, vel alio incommodo infestatus non posset surgere ad signum commune, & absolute indigeret longiori quam ordinarie concedi solet reliquis somno, tunc adhibito judicio Medici, & Consultorum consensu, permittito Superior ut talis Congregatus orationem suam mentalem matutinam solus, alia hora commodiori faciat; si vero in dispositio ejus fuerit naturæ, ut Cubiculo omnino exire nequeat Suscitator ipsi dabit Candelam, & Rector mittet quemdam Congregatorum, qui cum ipso meditationem in Cubiculo absolvat.

„Nolint Congregati oblivisci singulis diebus visitare Sanctissimum Sacramentum, (præter devotionem publicam) & Beatissimam Virginem, & tertiam Rosarii partem recitare.“

* *

ARTICULUS I.

De Praxi virtutum & Ss. Protectoribus.

Vult Regula, ut quovis Mensium virtus aliqua pro Scopo sumatur in particulari, ad acquirendam majorem alacritatem, & facultatem ampliorem in exercitio ejusdem, & ad instituenda cum majori efficacia circa illam examina particularia, & consuetos Conventus spirituales. In hunc itaque finem Superioris erit ut singulis mensibus conspectui omnium in Scriptis exponatur Virtus & S. Protector " Sic igitur erunt:

MENSE JANUARIO.

Virtus Fidei. Protectores: SS. Apostoli Petrus & Paulus.

Textus Scripturæ: Ego sum lux mundi. Joan: C. VIII. v. 12.

FEBRUARIO.

Virt: Spes. Protector: S. Andræas Apostolus.

Text: Scr: Quoniam in me speravit, liberabo eum: protegam eum, quoniam cognovit nomen meum. Psalm: XC. v. 14.

MARTIO.

Virt: Charitas Dei. *Protec:* S. Jacobus major Apost:

Text: Scr: Diliges Dominum Deum tuum ex toto corde tuq, & ex tota anima tua, & ex tota mente tua, & ex tota virtute tua. *Marc: C. XII. v. 30.*

APRILI.

Virt: Charitas Proximi. *Protec:* S. Joannes Apostolus.

Text: Scr: Hoc est præceptum meum ut diligatis invicem, sicut dilexi vos. Majorem hanc dilectionem nemo habet, ut animam suam ponat quis pro amicis suis. *Joan: C. XV. v. 13.*

MAYO.

Virt: Paupertas. *Prot:* S. Thomas Ap:

Text: Scr: Beati pauperes Spiritu: quoniam ipsorum est regnum Cælorum. *Math: C. V. v. 3.*

JUNIO.

Virt: Puritas Cordis. *Prot:* S. Jacobus minor Apost:

Text: Scr: Beati mundo corde: quoniam ipsi Deum videbunt. *Math: C. V. v. 8.*

JULIO.

Virt: Obedientia. *Prot:* S. Philippus Ap.
Text: Scr: Vos amici mei estis, si feceritis, quæ ego præcipio vobis. *Joan: C. XV. v. 14.*

AUGUSTUS.

Virt: Mansuetudo, & humilitas cordis.
Prot: S. Bartolomæus Apost;
Text: Scr: Discite a me, quia mitis sum, & humilis corde. *Math: C. XI. v. 29.*

SEPTEMBER.

Virt: Mortificatio. *Prot:* S. Mathæus Apost: & Evang:
Text: Scr: Qui odit animam suam in hoc mundo, in vitam æternam custodit eam. *Joan: C. XII. v. 25.*

OCTOBER.

Virt: Collectio mentis & silentium. *Prot:* S. Simon Apost:
Text: Scr: Dimissa turba, ascendit Jesus in montem solus orare. *Mat: C. XIV. v. 23.*

NOVEMBER.

Virt: Oratio. *Prot:* S. Thaddæus Apost:

Text: Scr: Oportet semper orare, & nunquam deficere. *Luc: C. XVII. v. 1.*

DECEMBER.

Virt: Abnegatio sui ipsius & amor Crucis.

Prot: S. Mathias Apost.

Text: Scr: Si quis vult post me venire, abneget semetipsum, & tollat crucem suam, & sequatur me. *Math: C. XVI. v. 24.*

b.) „ Ultra commemoratos Protectores, Congregatio tota venerabitur principalem & primariam suam Protectricem *Beatissimam Virginem Mariam* sub titulo *Immaculatae Conceptionis*, (pro qua defendenda omnes Alumni nostrae Congregationis terminato jam ultimo studiorum anno, se se voto speciali obstringere tenebuntur.)

Secundo loco Sanctum *Michaëlem Archangelum*, & *S. Joseph*; *SS. Apostolos Petrum & Paulum*, *S. Joannem Evangelistam* ante portam latinam; *S. Philippum Neri*, *S. Mariam Magdalenam* poenitentem, *S. Theresiam*, *S. Cajetanum*, *S. Aloysium Gonzaga*, *S. Stanislaum Kostka*, & *S. Franciscum Xaverium*, ut sub illorum auspiciis obtineamus a Deo pro Instituto nostro illam

iam copiam Benedictionum & Gratiarum, quibus summo opere indigemus, ad finem nostrum consequendum.

c.) „ Quisque Congregatorum quovis anno fortietur pro Protectore suo Sanctum quempiam, & virtutem quamdam, cui toto anno solertius studeat; simulque præces, quas pro infidelibus, aut aliis quibusvis, velut notatum invenerit, fundat. Hæc SS. Patronorum distributio fiat in Vigilia Circumcisionis Domini, & e Sortibus tractis, componatur in papyro Catalogus, qui exhibeat nomina Congregatorum, quos sortes respiciunt, idemque in aliquo loco domus convenienti omnium conspectui affigatur. “ *De r. Cap: Glis C. XV.*

ARTICULUS II.

De examinibus Conscientiæ.

a.) „ **T**empore matutino ante prandium, & ante requiem nocturnam Examen Conscientiæ instituitur ab unoquoque in communi. Minutis Septem ante prandium, peracto Examine Conscientiæ, recitantur Litaniæ Beatissimæ, pro Benefactoribus. Vesperis autem, dimidio quadrante horæ ante determinationem recreationis, signo dato, omnes in che-

rum, aut facellum domesticum se conferant, ubi examine Conscientiæ peracto, dicuntor actus Christiani, cum reliquis præcibus. Est autem tenor præcum vocalium totius diei sequens: “

(*Mane ubi primum pro Meditatione conventum fuerit, adoratione facta Sanctissimo; petatur benedictio a Superiore: Deinde omnibus in silentio & quiete positis, facto signo a Superiore, Hebdomadarius inchoato.*)

Veni Sancte Spiritus, reple tuorum corda fidelium, & tui amoris ignem in eis accende.

v. Emitte Spiritum tuum & creabuntur.

R. Et renovabis faciem terræ.

Oremus.

Deus qui corda fidelium Sancti Spiritus illustratione docuisti, da nobis in eodem Spiritu rectè sapere, & de ejus consolatione semper gaudere. Per Christum Dominum nostrum.

Ave Maria gratia plena &c. &c.

ANTIPHONA.

Angeli, Archangeli, Throni & Dominationes; Principatus & Potestates, Virtutes Cælorum, Cherubim atque Seraphim; Patriarchæ & Prophetæ; Sancti legis Doctores, Apostoli; omnes Christi Martyres; Sancti Confessores, Virgi-

nes Domini; Anachoretæ. Sanctique omnes intercedite pro nobis.

v. Exultabunt Sancti in gloria

r. Lætabuntur in cubilibus suis.

Oremus.

Protege Domine populum tuum, & Apostolorum tuorum Petri & Pauli, & aliorum Apostolorum, perpetua defensione conserva.

Omnes Sancti tui quæsumus Domine, nos ubique adjuvent, ut dum eorum merita recolimus, patrocinia sentiamus; & pacem tuam nostris concede temporibus, & ab Ecclesia tua cunctam repelle nequitiam.

Iter, actus, & voluntates nostras, & omnium famulorum tuorum, in tua prosperitate dispone; benefactoribus nostris sempiterna bona retribue, & omnibus fidelibus defunctis requiem æternam concede. Per Christum Dominum nostrum. Amen.

(Hic incipiat Meditatio, prælegente Lectore clare, distincte, intelligibiliter & lente.)

Post Meditationem.

Salve Regina & c. & c. & c. deinde prosequantur:

Princeps gloriosissime Michaël Archangele, esto memor nostri, hic & ubique, semper præcare pro nobis Filium Dei.

Hebdomadarius suburgat.

V. In conspectu Angelorum psallam tibi Deus meus.

R. Adorabo ad templum Sanctum tuum, & confitebor nomini tuo.

Oremus.

Deus qui miro ordine Angelorum ministeria hominumque dispensas; concede propitius: ut, a quibus tibi ministrantibus in cœlo semper assistitur, ab iis in terra vita nostra muniat. Per Christum Dominum nostrum **R. Amen.**

Unum Pater & Ave ad SS. Apostolos & Protectores nostros, pro conversione peccatorum.

Singulis feriis Vitis terminatis his precibus dicantur ex S. Augustino Gradus Passionis Domini, prælegente Hebdomadario.

GRADUS PASSIONIS DOMINI NOSTRI IESU CHRISTI.

JESU dulcissime, in horto mœste, Patrem orans, & in agonia posite, sanguineum sudorem effundens; miserere nobis. **R. Miserere nostri Domine, miserere nostri.**

JESU dulcissime! osculo traditoris in manus impiorum tradite, tamquam latro capte & ligate, & a discipulis derelictæ: miserere nobis. **R. Miserere nostri Domine, miserere nostri:**

JESU dulcissime! ab iniquo Judæorum
Concilio reus mortis acclamatus, ad
Pilatum tanquam malefactor ductus,
ab iniquo Herode sprete, & derise;
miserere nobis. *R.* Miserere nostri
Domine, miserere nostri.

JESU dulcissime! Vestibus denudate, & in columna
crudelissime flagellate: misere nobis.
Spinis coronate, colaphis cæse, aun-
dine percusse, facie velate, veste
purpurea circumdate, multiplici-
ter derise, & opprobriis saturate:
miserere nobis.

JESU dulcissime! Latroni Barabbæ postposite, a Ju-
dæis reprobate, & ad mortem
Crucis injuste condemnate: miserere nobis.

JESU dulcissime! Ligno Crucis onerate, & ad locum
supplicii tanquam ovis ad occisio-
nem ducte: miserere nobis.

JESU dulcissime! Inter Latrones deputate, blasphemate & derise, felle & aceto potate, & horribilibus tormentis ab hora sexta usque ad horam nonam in Ligno cruciate: miserere nobis.

JESU dulcissime! In patibulo Crucis mortue, & coram tua S. Matre lancea perforate, simul Sanguinem & Aquam emittens: miserere nobis.

JESU dulcissime! De Cruce deposite, & lachrymis
mœstissimæ Virginis Matris tuæ
persuse: miserere nobis.

JESU dulcissime ! Plagis circumdate ,
 quinque vulneribus signate , aromati-
 bus condite , & in Sepulchro repositæ :
 miserere nobis. *℟.* Miserere nostri Do-
 mine , miserere nostri

ψ. Vere languores nostros Ipse tulit.

℟. Et dolores nostros Ipse portavit.

Oremus.

Deus qui pro redemptione mundi na-
 sci voluisti , circumcidi , a Judæis repro-
 bari , a Juda traditore osculo tradi , vin-
 culis alligari , sicut agnus innocens ad vi-
 cti nam duci , atque conspectibus Annæ ,
 Caiphæ , Pilati , & Hærodis indecenter
 offerri , a falsis testibus accusari , flagel-
 lis & colaphis cædi , opprobriis vexari ,
 conspui , spinis , coronari , arundine per-
 cuti , facie velari , vestibus spoliari , Cru-
 ci clavis affigi , in Cruce levari , inter
 Latrones deputari , felle & aceto potari ,
 & lancea vulnerari. Tu Domine ! per
 has Sanctissimas pœnas , quas ego indi-
 gnus recolo : & per Sanctissimam Cru-
 cem & mortem tuam libera me a pœ-
 nis inferni , & perducere digneris , quo
 perduxisti Latronem tecum crucifixum :
 qui cum Patre , & Spiritu Sancto vivis
 & regnas in sæcula sæculorum. Amen.

*Pro Examine Conscientiæ ante
Prandium.*

Veni Sancte Spiritus &c. &c.

*Hebdomadarius incipit (& reliqua ut mane, cum
versu & Oratione; Post orationem quisque Con-
scientiam scrutetur) dato signo a Superiore di-
cantur.*

Litanix Lauretanæ, pro benefactoribus
nostris, respondendo: Ora pro eis.

℣. Ora pro eis, Sancta Dei Genitrix.

℞. Ut digni efficiantur promissionibus
Christi.

Oremus.

Concede nos famulos tuos, quæsumus
Domine Deus, perpetua mentis & cor-
poris sanitate gaudere: & gloriosa Bea-
tæ Mariæ semper Virginis intercessione,
a præsentis liberari tristitia, & æterna per-
frui lætitia. Per Christum Dominum no-
strum. ℞. Amen.

Post Prandium.

*(Dicto in exitu è Refectorio hymno: Te Deum, ubi
perventum fuerit in Chorum vel Sacellum domus
privatum, dicatur alternatim pro defunctis
benefactoribus Psalmus 129. De profundis ela-
mavi &c. Quo dicto Hebdomadarius subjungat.)*

℣. A porta inferi. ℞. Erue Domine ani-
mas eorum.

℣. Requiescant in pace. ℞. Amen.

v. Dne exaudi orat. R. Et clamor meu:
v. Dominus vobisc: R. Et cum Spirit:

Oremus.

Deus veniæ largitor, & humanæ salutis amator, quæsumus Clementiam tuam, ut nostræ Congregationis fratres, propinquos & benefactores, qui ex hoc sæculo transierunt, Beata Maria semper Virgine intercedente, cum omnibus Sanctis tuis, ad perpetuæ beatitudinis consortium pervenire concedas.

Fidelium Deus omnium Conditor & Redemptor, animabus famulorum famularumque tuarum, remissionem cunctorum tribue peccatorum, ut indulgentiam, quam semper optaverunt, piis supplicationibus consequantur. Qui vivis & regnas in sæcula sæculorum. R. Amen.

v. Requiem ætern: &c. R. Et lux perpi

v. Requiescant in pace. R. Amen.

v. Et fidelium anim: &c. R. Amen.

Pater noster & Ave Maria, secreto.

(Diebus recreationum omittitur psalmus & subsequētia, solum dicitur Pater & Ave. Post cœnam nil aliud dicitur nisi Pater & Ave.)

Pro Meditatione vespertina.

Veni Sancte Spiritus &c. &c.

(Idem quod matutino tempore. Post orationem progreditur Lector ad prælegendam Meditationis materiam.)

Post Meditationem.

Salve Regina &c. &c. r. Ora pro nobis &c. &c. Dne exaudi &c. &c.

Oremus.

Defende quæsumus Domine, Beata Maria semper Virgine intercedente istam ab omni adversitate familiam, & tibi toto corde prostratam ab hostium propitius tuere clementer insidiis. Per Christum Dominum nostrum. Amen.

Pater & Ave pro nostris benefactoribus vivis & defunctis, & pro conversione peccatorum.

Pro Examine Conscientiæ vespertino ante cubitum.

Veni Sancte Spiritus &c. &c. omnia ut supra. Post orationem & dictum Ave Maria; dicit Lector:

Gratias Domino Deo agamus pro omnibus beneficiis nobis concessis, præsertim quod nobis Jesum Christum Salvatorem, & Mariam Sanctissimam donare dignatus est, & quia in hoc Institutum nos vocavit.

*(Hic paullulum pausatur) deinde
prosequitur.*

Reflectamus in conscientias nostras, & examinemus omnes defectus hodie com-

missos, veniam a Deo flagitantes (sit examen. Dato a Superiore signo omnes efficiant corde & ore sequentes actus.)

F I D E S.

Deus mi, Sapiencia & veritas infallibilis! Ego credo, omnia, quæ Sancta mihi proponit Ecclesia credenda; quia Tu ei, hæc revelasti; & verax es. Credo Te esse meum Deum, Creatorem universi, remuneratorem bonorum, per beatitudinem æternam, & justissimum vindicem malorum per inferni & purgatorii pœnas. Credo te esse unum in Essentia, & trinum in Personis; nempe Patrem, Filium, & Spiritum Sanctum. Credo Incarnationem, Passionem, & mortem Jesu Christi. Credo quæ Jesus Christus docuit, & quæ Sancti prædicarunt Apostoli. Credo tandem omnia hæc, quæ Sancta Romana credit, tenet & profitetur Ecclesia. Et in hac fide protestor me vivere & mori velle. Deus mi adauge fidem meam.

S P E S.

Deus mi! Ego confisus in promissionibus tuis, quia Tu potens, bonus, fidelis & misericors es. Spero quod per merita Jesu Christi mihi peccata mea remittes, quo ad culpam, & quo ad pœnam.

Spero quod mihi dabis gratiam, quæ omnia præcepta tua fervare valeam. Spero post hanc vitam, quod mihi dabis in cælo beatitudinem æternam. Et hæc omnia ideo a Te me consecuturum spero, quia Tu mihi ea promissisti, qui in promissis tuis fidelis & infinite misericors Deus es. Deus mi conforta hanc Spem meam.

CHARITAS, & CONTRITIO.

Quia credo, mi Deus, Te esse summum & infinitum bonum, infinito etiam amore dignum; ideo Te amo super omnia, ex toto co de meo, ex tota anima mea, & ex totis viribus meis. Et propter amorem Tui, amo etiam Proximum meum, sicut meipsum; & doleo ex toto corde meo quod Divinam Majestatem Tuam vel lævissimo peccato unquam offenderim, quæ mihi super omnia displicent. Propono, firmissime, me potius millies mori velle, quam Bonitatem Tuam unquam amplius offendere. Propono etiam suscipere Sancta Sacramenta, in vita & in morte.

Litaniæ Lauretanæ, *Antiph:* Sub
Tuum præsidium &c.

✠. Ora pro nobis &c.

✠. Ut digni &c. &c.

Oremus.

Concede nos famulos tuos, quæsumus Domine Deus, perpetua mentis & corporis sanitate gaudere, & gloriosa Beatæ Mariæ semper Virginis intercessione, a præsentis liberari tristitia, & æterna perfrui lætitia. Per Christum Dominum nostrum. Amen.

Antiph: Salve Regina &c. &c.

†. Ora pro nobis &c. ♀. Ut digni &c.

Oratio: Defende &c. &c. (*ut supra post Meditat: vespertin: interea dat Superior asperion: cum aqua lustrali.*)

Pro gratia Perseverantiæ. *Salve Regina &c. &c.*

Pro animabus peccantibus & derelictis: *Ave Maria.*

Pro necessitatibus nostrorum Collegiorum, præsertim hujus: *Ave Maria.*

Pro nostris Superioribus, & pro felici exitu nostrorum negotiorum de quibus tractatur: *Ave Maria.*

In honorem SS. Joseph, Joannis Nep: & Cajetani, pro S. Providentia: *Ter Gloria Patri.*

In honorem SS. Aloysii & Stanislai Kost: *Ter Gloria Patri.*

In honor. SS. Tutelarium & Protectorum nostræ Congreg: *Ter Glor: Patri.*

(*Deinde prosequatur Hebdomadarius clara & distincta voce enunciare applicationem fructuum Orationum SS. Communionum, Mortificationum, laborum & occupationum in diem subsequentem, dicendo.*)

Omnes Orationes, Communiones, Mortificationes, labores & occupationes crastina die applicabuntur:

Die Dominico.

Pro exaltatione S. Matris Ecclesiæ, pro Summo Pontifice, pro Antistite nostro, pro omnibus Prælati Ecclesiæ, & pro Principibus regnantibus.

Feria Secunda.

Pro Peccatoribus, Hæreticis, Schismaticis, pro conversione paganorum & judæorum, ut Dominus illuminare dignetur has miseras gentes.

Feria Tertia.

Pro omnibus Religiosis utriusque sexus, rogando Deum, Spiritum eis infundere velit quo vivant juxta vocationem sui.

Feria Quarta.

Pro omnibus Operariis Vineæ Domini; pro omnibus Patribus & Matribus familiæ, obsecrando Deum, ut primis

det Spiritum Apostolicum, his vero Spiritum educandi proles suas in Sancto amore & timore Domini.

Feria Quinta.

Pro omnibus innocentibus & pœnitentibus; pro Infantibus adhuc in sinu matrum jacentibus; pro animabus in igne purgante existentibus; & pro agonizantibus.

Feria Sexta.

Pro obtinendo incremento Spiritus Instituti nostri, & pro Communitatis nostræ prosperitate spirituali & temporalis.

Sabbata.

Pro omnibus devotis Beatissimæ, pro omnibus benefactoribus spiritualibus & temporalibus, & pro omnibus Conjunctis Patrum & Fratrum nostri Instituti.

Finitâ hac applicatione indicator ab Hebdomadario punctum Meditationis in diem crastinum, ut omnes præparare se possint. Postea singuli petunt Benedictionem a Superiore, recitando, prostrati humi, Orationem sequentem.

Ad Beatissimam Virginem.

Sanctissima Virgo Immaculata, & Mater mea Maria, ad te, Mater Domini mei, Regina mundi, Advocata, Spes & Refugium peccatorum, ego miserrimus omni-

um hodie confugio. Te, o magna Regina, omni quo par sum religionis & reverentiæ affectu veneror. Tibi gratias ago pro omnibus beneficiis mihi hucusque præstitis; præsertim quia me ab inferno, quem toties promeritus sum, liberavisti. Amo Te, o Domina, omni amore dignissima! & hoc Tui amore ductus, promitto me Tibi semper servitutum, & quantum possum facturum ut etiam alii tibi serviant. In Te post Deum omnem Spem, totamque salutem meam repono. Suscipe me in servum Tuum, & me tuere brachio protectionis Tuæ o Mater misericordiæ! Et quia apud Deum tam potens es, fac sim liber ab omni tentatione; aut saltem vires mihi impetra illas vincendi quousque vixero. A Te postulo verum erga Jesum Christum amorem. A Te spero Beatam mortem me obtenturam. O Mater mea! per tuum erga Deum amorem, adjuro Te, ut mihi semper assistas, præcipue tamen extremo vitæ meæ, momento. Ne, quæso, derelinquas me, donec saluum me videas, benedicientem Te in Cælo & misericordias Tuas in æternum cantantem. Amen. Ita spero sic fiat.

(Hæc finitæ quisque poterit se recipere in cubiculum suum. Dato deinde post mediam horam signo, nullus ultra se detineto in Ecclesia, Choro, aut Oratorio privato, nisi cum expressa Superioris licentia.)

III. Quivis Congregatus annis singulis Exercitia spiritualia per decursum decem dierum in totali secessu & rigido silentio instituto; porro singulis mensibus unam ejusmodi Recollectionum diem celebrato.

*

a.) Si Recollectiones istæ annuæ fieri nequeant mensibus Septembri vel Octobri, antequam ad Missiones exeat, Superior pro arbitrio suo institui curabit illa tempore magis opportuno. Congregatus quilibet in Recollectionibus Constitutus, ultra actus communes a regula ordinatos, alias quoque peraget praxes pias & orationes, quas propria devotio, accedente Consilio sui directores, ipsi suggererit.

b.) Rector vel ipsemet, vel alius per eum assignatus Pater, poterit tempore Recollectionum, si sibi videatur, convocare Congressum omnium Individuorum, in quo de articulis primariis Regulæ, vel quadam Virtute conferentia & sermo instituitur. Sed abusus iste non facile excedat horæ quadrantem.

c.) Quovis Mense fiat Secessus etiam totalis, isque fieri poterit vel in Comuni, vel in particulari, prout Superiori magis opportunum visum fuerit.

d.) Ne autem Congregati disturbentur Sanctarum decem dierum Recollectionum tempore, Populus antecederet moveri debet, quod debet illis nullæ Confessiones futuræ sint, neque Catechismi, eò quod quisque Nostrum seipso occupatus erit. Missæ tamen & devoto Vespertina cum Expositione Sanctissimi Sacramenti solitæ, sicut & Conciones Dominicæ diei & Sabbati, soli non interruptor.

e.) Etsi

e.) Etsi quidem etiam Fratres servientes ad eadem Exercitia spiritualia teneantur, sed quoniam Officia rei œconomica, quibus funguntur, totalem omnium secessum nullatenus permittunt, ideoque e re futurum est, ut Rector domus, in supplementum decem istorum dierum, omni quarto mense trium solummodo dierum Secessum totalem & rigorosum injungat, idque alternatim.

f.) In domibus studiorum vero poterunt Patres & Fratres circa Recollectiones peragendas convenire cum studentibus, & simul illas absolvere, nimirum pars uno, alia pars alio tempore sibi designato.

g.) Quiconque non interfuerit, aut interesse non potuerit Exercitiis spiritualibus in Communi absolutis, illa faciat suo tempore solus, in secessu totali & cum rigore silentii debito.

IV. Quisque Instituto huic agregatus tenebitur supra omnia summæ gloriæ sibi ducere, si abjectissima & vilissima quæque exercitia domus tractare possit, copiosissimum, quod ejusmodi exercitiorum frequentia, acquisitionem Sanctæ humilitatis mirabiliter promovet. Ideoque ipsi etiam Sacerdotes alternatim ad mensam serviant, & scutellas lavent. In ædificationem & imitationem aliorum poterit una hebdomadis die ipse Rector, alia Minister servire ad Mensam, alia iterum lavare scutellas. Ne unquam contentioni & æmulationi de præferentia ansæ præbeatur, quisque gratuletur sibi, ultimum se locum in mensa prendere posse.

CAPUT TERTIUM.

De Silentio, Collectione Mentis, Mortificatione, & pœnitentiæ actibus corporalibus.

§ I.

De Silentio, & Collectione Mentis.

Vitam Congregatorum continuam mentis recollectionem esse oportet. Quod ut assequantur, principalis cura cordi singulorum esto, studium in exercitio Præsentiae Dei, excitando & eliciendo fréquentes, breves quidem, sed fervidos actus internos jaculatorios: hanc cuivis Congregato SSmi Redemptoris tantopere necessariam Collectionis Mentis Virtutem hæud parum promovebit amor beatæ solitudinis, & super omnia inviolata, in universo Sacrorum Institutuum genere tantopere laudabilis SILENTII custodia. Itaque e propriis cubiculis absque necessitate urgente non tam facile exeunt. Vespere a pulsu salutationis Angelicæ, usque altero mane post recitatas horas canonicas in communi, omnes absolute confabulationes prohibentur, nequidem extranei recipiuntur absque licentia expressa Superioris; excipe tantummodo

recreationis horam absoluta cœna: Insuper silentium observanto a termine recreationis postmeridianæ per tres consequentes horas. Ecclesia vero, Chorus Sacristia, Culina, Refectorium & Dormitoria sacro semper SILENTIO loca hæc insignita funto, neque unquam sive inutilibus, sive utilibus sermocinationibus execrantor; excipe tamen casum necessitatis, quo interveniente paucis, quantum fieri potest verbis, & voce submissa negotium absolvi, minime vetatur, Superior observationem hujus regulæ exactam, a suis subordinatis rigidissime exigit.



a.) Conformiter huic Regulæ expressis verbis prohibetur Janitori, quin audeat quemquam Nostrum, durante prædicto Silentii tempore, pulsus campanulæ, ut aliis horis fieri mos est, vocare. Quodsi necessitas exigat vocandi aliquem, id fiat modo tali, quo non turbeantur reliqui.

b.) Fratres Servientes, & quicumque alii, nolint formare Conventus in Corritoriis & porticibus domus & alta voce ibi confabulari, ubi Patres & Studentes in cubiculis suis studio incumbunt, sed utantur voce demissa, si quid loquendum occurrat.

c.) Evitetur streptus omnis & murmur in domo, præcipue in Cubiculis & Corritoriis, nam hæc omnia repugnant exactæ observantiæ hujus regulæ.

d.) Tempore silentii Rector quandoque per domum observare poterit, cum qua exactitudine re-

gula hæc fervetur, p æcipue vesperi, post datum ultimum campanulæ signum, quod omnes cubitum vocat, & ut per cubicula luminaria extinguantur indicat.

§ II.

*De Mortificatione & de poenitentia
actibus corporalibus.*

I. **M**ortificatio Christiana Operariis Evangelicis multum quoque Cordi esse debet, ut copiosos & abundantes fructus e suis laboribus Apostolicis reportent. Hinc Individua hujus Instituti principali studio contendant interna sua mortificare, passionum motus suppressere, voluntatem propriam in singulis rebus ex integro abnegare, & sic ad similitudinem Apostoli, in doloribus, in contemptu, & humiliationibus Jesu Christi sibi complacere.

II. Ad internas Mortificationes externæ quoque jungendæ sunt. Ea propter jejunabunt Congregati omnibus vigiliis Beatissimæ; per totum Adventum, necnon per novem dies ante Pentecosten ab esu carniū abstinebunt, & resectio vespertina aliquantum largior permittitur, quam tempore jejunii ecclesiastici. Bis qualibet Septimana disciplinæ mortificatio adhibeatur in communi, & quidem Feria IV, & VI. super paleam dormient, capiti culcitræ supponende; non

prohibetur linteorum usus. Lectuli habeant regulariter septem palmos longitudinis, & tres palmos cum dimidio latitudinis.

*

a.) „Solemnitates Beatissimæ Virginis, quarum Vigiliis jejunio consecrare tenentur Congregati, sunt sequentes numero septem. 1. *Purificationis*. 2. *Annunciationis*. 3. *Visitationis*. 4. *Assumptionis*. 5. *Nativitatis*. 6. *Præsentationis*. 7. *Conceptionis*. Hæc jejunia rigore ecclesiastico servari debent. In Adventu & Novenna S. Spiritus, in quibus licet lacticiiniis vesci, refectio vespertina duodecim unciarum esse permittitur.

b.) „Juxta morem antiquum jejunium omni etiam Sabbato per annum observabitur in honorem Beatissimæ, (modo in illa hebdomade non occurrat aliud ab Ecclesia injunctum jejunium) & refectio ad Cœnam pariter erit 12. Unciarum.

c.) „Disciplina durabit per spatium Psalmorum: *Miserere mei Deus*, &c. — *In te Domine speravi* &c. — *Salve Regina* &c. & sequentes Orationes.

Præces pro Disciplina. Hebdomadarius incipit:

Veni Sancte Spiritus &c. &c.

1. Emitte &c. 2. Et renovabis &c.

Oremus.

Deus qui corda fidelium &c. &c. Ave Maria &c.

Prosequitur Hebdomadar: solus.

Recordemini fratres charissimi, quod Dominus noster Jesus Christus fuerit pro nobis venditus, a Juda traditore osculo traditus, ad Annam primum deinde ad Pontificem Caipham ductus, postremo ad prætorium Pilati, ubi fuit ad columnam ligatus, & flagellatus, spinea corona coronatus, veste purpurea circumdatus, alapis percussus atque consputus, a Judæis traditus ut crucifigeretur; & cum eo crucifixi sunt duo latrones, unus ad dextram & ad sinistram alter. Et cum dixisset Jesus: SITIO, dederunt ei acetum cum felle mixtum; & cum gustasset dixit: CONSUMMATUM EST. Et inclinato capite EMISIT SPIRITUM. — Tu autem Domine miserere nostri. R. Deo gratias. Fratres! apprehendite disciplinam, ne quando irascatur Dominus, & pereamus de via iusta.

His dictis inchoantur Psalmi Miserere &c. &c. & disciplina; finitis Psalmis: Salve Regina &c. deinde.

V. Ora pro nobis Sancta Dei Genitrix.
R. Ut digni efficiamur promissioni Christi.
V. Dne exaudi &c. R. Et clamor &c.
V. Daus Vobiscum. R. Et cum Spiritu tuo.

Oremus.

Omnipotens sempiterne Deus, qui gloriosa Virginis Matris Mariæ corpus & animam, ut dignum Filii tui habitaculum effici mereretur, Spiritu Sancto cooperante præparasti; da ut cujus commemoratione lætatur, ejus pia intercessione ab instantibus malis & a morte perpetua liberemur; per eundem Dominum nostrum Jesum Christum filium tuum, qui tecum &c. &c.

Oremus.

Deus qui culpa offenderis, pœnitentia placaris; præces populi tui supplicantis propitius respice, & flagella tuæ iracundiæ, quæ pro peccatis nostris meremur averte.

Deus qui diligentibus Te, bona invisibilia præstas, infunde cordibus nostris Tui amoris affectum, ut Te in omnibus & super omnia diligamus.

Protege Domine populum tuum, & Apostolorum tuorum Petri & Pauli, & aliorum Apostolorum patrocinio confidentem, perpetua defensione conserva.

Fidelium omnium Conditor & Redemptor, animabus famulorum famularumque tuarum remissionem cunctorum tribue peccatorum; ut indulgentiam, quam semper optaverunt, piis supplicationibus consequantur.

Deus a quo sancta desideria, recta consilia & iusta sunt opera, da servis tuis illam, quam mundus dare non potest pacem, ut & corda nostra mandatis tuis dedita, & hostium sublata formidine, tempora fiat tua protectione tranquilla. Per Christum Dominum nostrum.

*Hic finit disciplina; & subito prædicente Hebdomadario repetit
Communitas singulos Versus
sequentes.*

Anima Christi Ssma sanctifica me.
Corpus Christi Sacratissimum custodi me.
Sanguis Christi prætiolissime inebria me.
Aqua lateris Christi purissima lava me.
Passio Christi amarissima conforta me.
O bone Jesu exaudi me. Intra vulnera tua absconde me. Et ne permittas me separari a Te. Ab hoste maligno defende me. In hora mortis meæ voca me. Et jube me venire ad Te. Ut cum Sanctis Tuis collaudem Te. In sæcula sæculorum. Amen.

*Canticum Simeonis Luc: 1.
alternatim.*

Nunc dimittis &c. Gloria Patri &c. &c.

III. Occurrendo qualicunque indiscretionis periculo, cui sese per corporis afflictionum immoderatum usum Operarii no-

stri exponere possent, omnes & singuli recreationibus designatis assistere omnino tenebuntur. Erunt autem Recreationes ordinariæ: per unius horæ spatium post prandium, & tantundem temporis post cœnam; in uno eodemque omnes loco Congregati. Præterea singulis septimanis una die. Nemini licitum esto qualemcumque pœnitentiam corporalem exercere, & nimio labore onerari sine expressa Superioris & Patris spiritualis licentia.

IV. Nullis utantur liquoribus odoriferis, qui vani odoris gratia gestari solent; nullis intersint venationibus cujuscunque speciei, neque lusus quoscunque licitos sibi esse sciant; neque domos parentum adeant. Hoc solum licitum erit cum expressa permissione Superiorum in causa gravis infirmitatis Patris aut Matris, aut alterius cujusdam necessitatis urgentis. Acuratam hujus regulæ observationem Superiores a Congregatis exigant.

* *

Temporibus pro animi recreatione determinatis, fugiant discursus contentiosos, qui facile pacem & charitatem interrumpere & alterare possent. Hora recreationis vespertinæ poterunt inter se instituere per aliqua temporis minuta discursus spirituales, de vita cujusdam Sancti, vel de lectione spirituali inter diem facta.

CAPUT QUARTUM.

De Conventibus domesticis celebrandis.

I. **S**ingulis quatuor anni temporibus quisque Superior sua Individua convocato, & prælectis ab aliquo, coram communitate adunata, præsentibus Constitutionibus, defectus contra illam commissos relevato, abusus tollito, & id quod pro earundem exacta observantia expediens fore judicaverit, cum paterna charitate insinuato. Præterea Constitutiones istæ omni Sabbato tempore Cœnæ legi debent, & quilibet Congregatus exemplar illarum possidere, frequenter illas considerare, sibi que familiares redere tenetur.

II. Singulis Septimanis Rector cum sua familia conferentiam spirituales instituat, in qua quisque de commissis contra Regulam defectibus se accuset. Omni pariter Septimana singuli Sacerdotes & Studentes Alumni semel conveniant, de modo bene concionandi, de Missionibus rite instituendis, de defectibus in hoc munere vitandis, atque de mediis finem Sanctissimi Instituti consequendi disserturi. Denique singulis Septimanis in qualibet domo alia institutur adhuc

conferentia, ad quam soli, & bene parati compareant Sacerdotes, in materiis scientiarum theologicarum, præcipue Moralis, & Dogmaticæ responsuri.

* *

Quovis die lunæ, excepto primo die lunæ ejusque mensis, in quo ultima dimidia hora actum communium post meridiem, exercitium Rubricarum circa celebrationem Missæ, & aliarum, fiet, instituat^r Conferentia ascetica super virtutem currentis mensis; qua terminata quisque se in cubiculum recipiet, solus ibidem, ut regula ordinat meditationem postmeridianam absolutum.

Methodus ejusmodi Conferentiæ esto sequens: omnes conveniunt in Capella, vel hypocausto Capituli, Lector mensæ aliqua legito ex libro spirituali de virtute mensis; postea Pater assignatus proponet quæstionem illam quam tribus diebus jam antea in publico loco exposuerat; habito deinde signo a Superiore, ratiocinabitur de dicta virtute; tandem etiam alii, sed non nisi a Superiore nominati de illa discurrunt.

Omnis autem talis conferentiarum & conventuum communium ætus horæ dimidiæ spatium non excedat.



PARS TERTIA.

De ratione regendi Congregationem.

CAPUT PRIMUM.

*De Rectore Majore, & de aliis
Officialibus.*

§ I.

*De Rectore Majore, & ejus
Consultoribus.*

I. Congregationem gubernabit Superior Generalis, qui perpetuus esto, & titulo Rectoris Majoris nominator.

Eligatur a Capitulo Generali, & ad constituendam electionem ejus validam, requiruntur duæ partes votorum Vocalium. Non poterit electio cadere in virum qui non vixisset cum ædificatione per decem saltem annos in Congregatione, qui non complevisset triginta quinque annos ætatis suæ, & qui præter exercitium Missionum, non etiam sustinisset onus Rectoris localis, aut Consultoris.

II. In Rectoris Majoris arbitrio maneto eligendi sibi domicilium in quacuna-

que domo voluerit. Autoritatem absolutam habebit Superior Generalis in cunctis quæ gubernationem internam sive domesticam respiciunt super omnes domos & Individua Congregationis; cæterum vero relate ad externa (*quemadmodum superius in voto obedientiæ declaratum fuit*) jurisdictioni Episcoporum subordinati vivere semper debebunt; imo promovendi ad Ordines Ecclesiasticos, semper ab iis promoventor, a quibus promoverentur si in Congregatione non viverent.

a.) Vigore Privilegii Benedicti PP. XIII. & Pii VI. possunt Congregationis Nostræ Alumni cum Dimissoriis Provincialis & Testimonio Superioris localis super facta Exercitia Spiritualia, quando Episcopus eorum Residentiæ impeditus fuerit, cum testimonio Cancellariæ Episcopalis, quod Episcopus Ordinationem non habeat, a quocunque Catholico Antistite ordinari.

b.) Cordi præcipue habeat Superior Generalis vitam communem & exactam observantiam Sctæ paupertatis, ne vel minimus abusus adversus illam irrepat. Itemque attentus esto, ut non solum sibi, sed etiam omnibus reliquis Superioribus subalternis prompta obedientia præstetur, hæc enim est frænum illud validissimum, quo Congregati in Observantia Regularum cohiberi possunt.

c.) Sæpius Rectores, Novitiorum Magistros, Studiosorum Præfectos percunctari debet de vita illorum qui Ipsorum curæ commissi sunt. Imo formabit Cathalogum de omnibus Individuis Con-

gregationis, in quo accurate notabit cujusque talenta, indelem, vitia & virtutes, ut nempe occurrente Casu, Superior Generalis suis Individuis rite usum facere valeat. *Decret: Capit: Generalis 1785.*

III. Rectoris Majoris est eligere & nominare omnes Rectores domuum, Admonitores, duos Consultores cujusque Rectoris localis, Magistros Novitiorum, Visitatores, & Professores Studentium; poterit istos etiam ad arbitrium suum amovere ab Officiis respectivis, dum causæ sufficientes adfuerint: ordinarie tamen non illos amoveto ante triennium in officio exactum.

IV. Ad ipsum quoque spectat acceptare fundationes novas & assignare situs. Suscipere & dimittere Individua ejus Autoritati convenit. Quodsi Individua in Institutum suscipi postulantia sint Subdiaconi, vel Sacerdotes, poterit illos admittere absque ullo Consultorum voto; si vero non dum sint Subdiaconi, requiritur majoritas votorum ex parte Consultorum, qui in hoc casu decisivum habent: nunquam tamen admittantur Juvenes qui necdum XVIII. ætatis annos comp'everunt.

* *

a.) Absque illius expressa concessione nulli prorsus Congregatorum licebit Gradum Doctoris, Magisterium, Officium, aut Dignitatem extra Con-

gregationem acceptare, si etiam Congregatus illis fungi posset, quin Congregatione exeat.

b.) Panes Superiorem Generalem est conferre illas facultates, licentias, Privilegia & Concessionem, quas illius arbitrio concessit S. Sedes, hasque potest concedere vel in toto, vel in parte, vel in universo, vel in particulari, vel etiam retinere, prout ipsi placuerit.

c.) Ipsi ejusve Vicario competit jus præsidendi Capitulo Provinciali vel in Persona, vel per suum Visitatorem. Ejus modi Capitula institui nequeunt, nisi ipsius præcesserit licentia, eaque in scriptis.

d.) Nonnisi cum ejus permissione in scriptis habita, iniri possunt Contractus Venditionis, emtionis, & Transactionum, nec acceptationes legatorum aut similium in quibus Congregationis bona obligari oporteret.

V. Principale tamen munus Rectoris Majoris esse debet, attentissime vigilare, ut observantia Regularum & Constitutionum Instituti inviolabilis conservetur, & præbere in se ipso exemplum quo primus illam exerceat. Severe igitur castigabit transgressores illarum, præsertim si superiores sint, sine ulla personarum exceptione aut respectu: ad hunc finem omni anno visitabit singulas domus aut ipse solus, aut per Visitatores delegatos.

VI. Rectori Majori numquam licitum esto sine gravissima causa se abdicare officio suo, & sine abdicationis ejus acceptatione a Capitulo Generali.

* *

a.) Conformiter huius regulæ Capit: Gnle Aud: appr: Decrevit, quod, Superior Generalis occasione sive Infirmittatis, sive Senectutis, sive longioris absentię, sive alterius cujusvis accidentis inhabilis & inutilis Congregationi fieret, ipse tunc possit eligere in sui locum Vicarium Generalem, qui vicibus ejus fungatur; si vero is ipsemet eum eligere nequeat, tunc possunt, imo debent, Consultores Generales eligere Vicarium per vota secreta.

b.) Cum Regula non determinarit formam in electionibus Superioris Glis & aliorum officialium servandam, uti etiam Capituli novennalis modum, Capitulum statuit, quod in hoc puncto Constitutio particularis sanciri, eaque in futuris Capitulis observari debeat, juxta facultates a feliciter regnante Pontifice PIO VIto virtute Rescripti obtentas.

VII. Capituli Generalis est assignare Rectori Majori sex Consultores a latere, cum quibus ipse omni mense consilium instituet de negotiis majoris ponderis Instituti; nominatim, quando agitur de electione Rectorum localium, de erectione novarum domuum, de dimissione alicujus domus jam fundatę, vel Individui alicujus jam suscepti, &c. &c. Revera quidem Rector Major non tenebitur Consiliis suorum Consultorum absolute morem gerere, cum votum eorum sit solum consultivum; attamen nihilofecius conveniens erit, ut quandoque

que ad majorem, aut saniozem eorum partem se conformet.

VIII. Rector Major vitâ suâ durante. secretô, & in scriptis, nominabit suum Vicariam Generalem, cui legata remanebit cura Congregationem regendi post fata sua; hæc tamen nominatio sub secreto inviolabili custodiatur. Regimen Vicarii Generalis durabit usque ad electionem novi-Rectoris Majoris a Capitulo Generali instituendam: quodsi vero consequuta ejus morte adverteretur non factam fuisse talem designationem, Consultorum emortui Rectoris Majoris erit, nulla interposita mora, ad electionem Vicarii Generalis procedere.

IX. Mortuo itaque Rectore Majore, Vicarius ab defuncto nominatus, aut a Consilio Generali electus, convocabit in termino ad summum mensium sex Capitulum Generale. In hoc Capitulo comparere tenebuntur: Procurator Generalis, Consultores Rectoris Majoris defuncti, Rectores singularum domuum, quisque eorum comitatus uno socio, sibi in hunc finem a Capitulo cujusque domus, deputato. Capitula vero domuum particularia & solis respectivarum familiarum Sacerdotibus oblati componuntur. Omnes isti deputati Vocales habebunt vocem in Capitulo, & facultatem quisque

proponendi quidquid existimaverit conservandæ observantiæ, & profectui Instituti expediens esse.

X. Ipso tempore Capituli congregati, eligantur sex Consultores, Rectoris Majoris, qui tam diu in officii sui ministerio manebunt, quam diu Rector major munere suo fungetur. In numero Consultorum Generalium necessario etiam esse debent Admonitor Rectoris Majoris, & Secretarius Capituli, quos pariter Capitulum eligit.

XI. Si unquam casus quicunque numerum Consultorum determinatum interrumpere, semper ad officium tale alius destinetur, idque fiat a Rectore Majore & ejus Consultoribus majoritate votorum; cum solus Rector Major illum destinare non valeat.

XII. Ut autem provideatur omni relaxationi boni ordinis, quæ in communitate inevitabiliter irrepere solet, & ut semper magis renovetur rigorosa Regularum istarum Observantia, Capitulum Generale ad hunc effectum singulis novem annis convocari & celebrari debet, in loco quem Rector Major monstraverit; & in hoc Conventu generali examinandus quoque erit status cujusque Domus in specie. Capitulum Generale instructum erit Auctoritate & potestate

condendi nova statuta quæ bonum Congregationis commune respiciant, conformia tamen & in nullo Constitutionibus & Regulis contraria. Poterit tamen ob motiva rationabilia annihilare & mutare Ordinationes a Rectore Majore & aliis Conventibus Capitularibus latas.

XIII. Si Rectoris Majoris gerendi ratio & vitæ tenor unquam talis foret, ut videretur depositionem a munere suo mereri, in tali eventu sex ejus Consultores jus habeant ad hunc finem convocandi Capitulum Generale, quod Rectorem Majorem deponere poterit ab Officio, dummodo duæ tertiæ partes votorum Vocalium unanimiter consentiant. Imo ad hunc effectum nihil esto quod impedire possit quin singuli Consultorum convocando reliquos, se uniant, & unanimi consensu rationem ineant convocandi Capitulum, illudque intimandi libertatem habeant.

* *

ARTICULUS I.

De Vicario Generali.

a.) „**O**fficio Vicarii Generalis electi ad tenorem sive Regulæ, sive Constitutionum, sive Decreti Capituli Gene-

ralis, semper erit regere Congregationem usque dum novus Superior Generalis eligatur; vel usque dum non dimitatur ob cessantem eandem necessitatem, ejus causa electus fuit. Cum Vicarius Generalis electus, & nominatus fuerit propter mortem Superioris Generalis, primum illius officium erit cum sollicitudine ordinare & disponere funeralia, si eandem ipsam domum habitet, in qua mors accidit, si vero mortuus fuerit in alia domo, erit primi Consultoris circa funeralia disponere. Ad Officium Vicarii Generalis insuper spectabit convocare & intimare Capitulum pro eligendo Rectore Majore, literasque convocatorias ad illud expedire, quod infra decursum primorum decem mensium institui debet.

b.) Debebit moderari & gubernare integram Congregationem qua Vicarius Superioris Generalis, sed non qua Superior Generalis absolutus; idcirco in ipso Congregati nis regimine nullas faciet mutationes, sed quale accepit, tale servet; gaudebit iisdem facultatibus, quibus gaudebat Superior Generalis, & iisdem quibus iste subiectus erat, legibus subiacebit; non poterit mutare Rectores, nec eligere novos, nisi eorum mortuo aliquo, & in hac casu Rectoris lo-

calis novi Officium solum usque ad electionem novi Superioris Generalis durabit. Si forte in hoc intervallo nascantur causæ urgentissimæ, quarum ergo, vel suspendere, vel omnino dimittere ab officio necessum foret Rectorem vel alium aliquem, nolit absque voto Consultorum Generalium decisivo ad id procedere.

c.) „ Si forte fuerint negotia gravis alicujus momenti, quæ absque detrimento Instituti facile differri possint, differat illa usque ad electionem novi Superioris Generalis. Ideo nec domos novas acceptare, nec acceptatas relinquere poterit; & si forte ipsi ejusmodi oblationes fieri contigerit, ita procedat, ut negotium ad electionem Superioris Generalis prolongetur. Quodsi autem negotium ejus conditionis fuerit, ut procrastinationem non admittat, Vicarius Generalis poterit decidere in illo, sed semper nixus voto decisivo suorum Consultorum.

d.) „ Hæc omnia modo declarata intelligenda sunt de Vicario Generali, qui solum ad tempus, vel in Superioris Generalis morte electus est.

e.) „ In omni alio casu, in quo Vicarius Generalis (*in Provinciis v. g. transmarinis & ultromontanis*) deputari debet, iste instructus erit eadem a-

aultate, eademque Auctoritate & sub
iisdem Conditionibus, quæ soli Supe-
riori Generali, Conveniunt. “

ARTICULUS II.

De Consultoribus Superioris Generalis.

a.) „ **C**onceditur Superiori Generali as-
sistentia Consultorum, quorum speciale
officium est sublevare & adjuvare Ge-
neralem in toto regimine Congregatio-
nis; idcirco cum vocati ab ipso fuerint pro
Consultationibus sive extraordinariis, sive
mensuris, mentem suam sic ei aperiant,
ut in præsentia Dei fieri oportet, quin
partialitas, affectus non displicendi cœ-
teris, vel alia quæcunque motiva pe-
culiaria ipsos prædominentur; salus quip-
pe & bonum Congregationis perpetuo
ipsis ob oculos versari debet.

b.) „ In consultationibus Superior Ge-
neralis quidem ut plurimum aliorum Con-
siliis nitetur, si tamen pro suo iudicio con-
tendere videatur, & demum in Conclu-
sione rei, Consiliariorum debiti erit ju-
dicia ipsorum illius Sententiæ submitte-
re, nec displicentiam prodere, nec quæ-
relas inter se movere, imò ad inviola-
bile secretum servandum teneri, non so-
lum in iis quæ Superior Generalis de-

terminavit, sed etiam in iis quæ ipsi forte in contrarium proposuerint; nam ejusmodi interpellationes vel reverentiam imminuent, vel omnino despectum adversus Gubernium actuale producent.

c.) „Habebunt Votum decisivum in rebus, quas ipsis Regula concedit; & tunc procedatur per vota secreta, si forte Sententia omnium in re proposita non fuerit unanimis.

d.) „Nolint faciles præbere aures quæ-
rulantibus circa Abusum Gubernii actualis,
sed percunctentur exacte, & perquam re-
ligiose inquirant, procedantque summa cir-
cumspectione & cautela, præcipue vero
(quod Deus avertat) ubi Convocatio Ca-
pituli Glis necessaria existimetur deponen-
di Superiorem Generali a sede sua Guber-
nii actualis causa; id quod solum fieri po-
test in casibus a Regula stabilitis, & per
Deereta Capitulorum Generalium Aucto-
ritate Apostolica celebratorum designatis,
neque citius ad id progrediendum, nili
postquam Facta jam plene probata, &
informationes debitæ institutæ fuerint;
Regula enim vetat talem tentari gressum,
quin Consultorum Resolutio in hoc puncto
concordis sit, nam aliter agendo gravissi-
mæ oriri possent perurbationes, cum
non lævi totius ipsiusmet etiam Congre-
gationis concussionem.

§. II.

De Admonitore Rectoris Majoris.

Capitulum Generale Rectori Majori Admonitorem assignat, qui eo ipso etiam fungetur munere Consultoris Nati Rectoris Majoris. Istius igitur Officii erit observare ejus vitæ & gerendi rationem, qui, si illam invenerit a Regulis & Constitutionibus Instituti discrepantem (in re tamen magni momenti & unde grave damnum in Congregationem redundare possit, præsertim si ob ejus nimiam animi debilitatem, relaxatio alicujus observantiæ regularis irreperet) cum summa humilitate, & cum charitate eximia Rectorem Majorem admoneat: Si vero iste, licet admonitus, ad saniora non rediret, & perturbatio ordinis gravis esset, Admonitor obligatus esto insinuare Consultoribus ut ad remedia procedant, quæ magis opportuna videbuntur; quæ si nihilominus non profuerint, etiam ad Convocationem Capituli progrediantur.

* *

Cum Consultorum unus Admonitor sit penes Superiorem Generalem, officio itaque suo respondeat, quin personam intueatur. Nolit tamen procedere ad Admonitiones, nisi, ut Regula dicit, in rebus magni momenti, & unde grave

damnum in Congregationem redundare possit: præcipue si vitæ ratio Superioris Generalis haud consona fuerit Regulis & Constitutionibus. In similibus autem Admonitionibus utatur semper humilitate & reverentia adve sus illius personam, exercendo Officium suum pe inde atque actum charitatis.

§. III.

De Procuratore Generali.

Capitulum quod eligit Rectorem Majorem, eliget quoque & Procuratorem Generalem totius Instituti, qui in Officio suo æque ac Consultores, usque ad consummationem Officii Rectoris Majoris permanebit. Ejus cura erit tractare omnia Congregationis negotia quæ ipsi a Rectore Majore aut a Capitulo commissa erunt. Habeat vi officii sui curam omnium proventuum integro Congregationis corpori legatorum, ut ad eundem, adquem a Benefactoribus destinati fuerunt, usum, convertantur; vel si nihil ab illis determinatum fuerit, ita disponat, quemadmodum Rectori Majori & Consultoribus oportunum videbitur. Administrationis proventuum istorum rationem reddere tenebitur omni Semestri Rectori Majori & ejus Consultoribus. In casu mortis Procuratoris Generalis, & in negotio electionis alterius, proceda-

tur eodem modo, quo in electione novi Consultoris Generalis ordinatum est.

* *

Procurator Generalis ex propria Auctoritate vel nomine suo nil suscipiet in rebus, quæ integrum Instituti corporis respiciant, sed solum quam maxime attentus esse debet, ut Decreta a Capitulo formata, suumque Officium concernentia, exacte adimpleat.

§. IV.

De Visitatoribus.

I. Quoniam Rector Major omni anno Visitationem singularum Congregationis totius domuum instituere tenetur, & quandoque impediri posset, quin eam in persona propria peragere queat: hinc licitum ei est ad hunc finem Visitatores, ejusdem Instituti viros destinare, dummodo sint ætatis maturæ, & integritate vitæ conspicui.

II. Visitatores isti nullas alias habebunt facultates, nisi quas illis Rector Major concesserit; in qualibet tamen domo quam visitaverint, relinquent ordinationes & dispositiones oportunas ad bonum illarum regimen, & ad stabilendam in illis exactiorem regularum Observationem; reversi deinde rationem reddent omnium Rectori Majori.

* *

a.) „Quando Superior Generalis ipsemet domum Visitationem suscipere non poterit, mittat suos Visitatores, quibus alium ad huc destinabit Patrem, qui Secretarii Officium obeat. Si vero ipse Rector Major visitationes susceptum profectus fuerit, poterit assumere secum duos Consultores Generales, & quidem Admonitorem, aut alium, si iste impediatur, & Secretarium Capituli, & denique Fratrem, qui sibi interserviat.

b.) „Visitator eam solum habebit auctoritatem, quam ipsi concedet. Superior Generalis in Patente Deputationis suæ.

c.) „Visitator nolit esse nimium credulus & facilis in excipiendis querelis adversus Superiores, vel alia Individua respectivarum familiarum, sed seria & matura mente omnia volutet, antequam ad oportunas dispositiones progrediatur. Si Rectorem loci deprehenderit negligentem, & Officio suo deficientem, corrigat ipsum, sed privatim, ne reliqui de familia ejus perdant reverentiam Superioribus debitam; modo circumstantiæ non adsint, quæ alium correctionis modum exigant; Charitate autem & Prudentia in omnibus dominari se patatur.

d.) „Procurabit sibi scientiam completam de Vita communi, de Indole, Doctrina, aliisque dotibus & talentis Congregatorum, formando brevem & distinctam relationem, quam Superiori Generali in scriptis tradet.

e.) „In Visitationibus nolit esse nimis prolixus, nec nimis brevis, cum de omnibus omnino plenam sibi notitiam comparare debeat, scilicet: de Ecclesia, de domo, de Officiis, Cubiculis, libris proventuum & expensarum, de libris Missarum, &c. &c. His perlustratis concludet for-

mando bilancem status activi & passivi cujusque Domus.

f.) „ Circa modum, quo Visitator excipi debeat, observetur quod stabilitum habetur in Directorio Congregationis. “

ARTICULUS III.

De Secretario Generali Congregationis & Capituli.

a.) „ **P** rincipalis dos Secretarii Generalis Congregationis, & Capituli versatur in tenendo secreto circa omnia quæ Officium & munus ejus respiciunt; specialiter vero quæ ipsi soli, & non aliis confiduntur a Superiore Generali; nec non circa ea quæ in Consultationibus agitantur.

b.) „ Sub ejus custodia, & quidem sub clave, manebunt Sigilla majora Congregationis, nec ulli unquam tradet illa nisi Superiori Generali, & cui ipse Superior Generalis illa tradi mandaverit; cumque de illis usus factus fuerit, denuo illa reponere tenebitur in priori sollicita custodia.

c.) „ Illius quoque Officii erit curam Archivii Generalis gerere, in quo servari debent Originalia Regularum & Constitutionum Congregationis, Diplomata Brevia, & Rescripta Pontificia, & Sacr:

Congregationis Episcoporum & Regularium, Acta Capitulum Generalium, Visitationes Collegiorum, Litteræ Circulares, & quidquid Ordinationum & Dispositionum a Superiore Generali habetur. Pariter Epistolæ a quocunque illæ scriptæ sint, quæ in laudem & honorem vel integri Corporis Congregationis, vel unius Domus, vel etiam unius Congregati redundare possint, ut illius memoria semper viva in Instituto conservetur.

2.) „Idem habebit librum in varias partes divisum, in quo notati sunt. 1.) Omnes Congregati Sacerdotes, Professi, Clerici. 2.) Omnes Fratres servientes. 3.) Omnes Sacerdotes professi & Clerici mortui. 4.) Omnes Fratres mortui; in fine omnes Novitii Clerici ex una, & omnes Novitii Fratres servientes ex altera parte.

3.) „Instructus insuper alio erit libro & ipso in varias partes diviso, in quo notantur. 1.) Privilegia. 2.) Decreta Capituli Generalis. 3.) Omnes Epistolæ Circulares. Item alium consimilem librum tenebit, cui committet statum passivum & activum omnium Collegiorum, ut quoque tempore satisfacere valeat requisitionibus Consultationum. Separatum quoque præsto habere poterit Co-

dicem, in quem referet illos, qui Congregationi Nostræ per Instrumentum publicum affiliati fuerunt, sicut & omnes familias domuum nostrarum &c. &c.

f.) „Instructus a Superiore Generali, ejus debiti erit, dies, quibus Consultationes instituendæ erunt, intimare, simulque materias in illis discutiendas Consultoribus proponere, nisi forte negotium hoc alteri cuidam Consultorum fuerit jam demandatum.

g.) „Quoniam Secretario Generali incumbit asservare omnia Scripta Congregationis & Collegiorum, ita quovis anno solerter requirere tenebitur a respectivis Collegiorum & domuum Rectoribus Copias originales omnium hujus generis Scriptorum, easque in Archivio in Ordine reponere, ut promptas illas habeat exigente quovis casu requisitionis. Idem observabit circa Epistolas, quæ in Archivio servari debent. “

§. V.

De Rectore locali, & de aliis Officialibus.

I. **R**ectores locales singularum domuum & respectivorum Collegiorum curam gerent: habebunt a Rectore Majore affi-

gnatum sibi quisque unum Admonitorem, qui in eorum vitæ gerendique rationem invigilet; quique, si animadvertat, quod Rector debitum suum omitat, & cum pauca cura Observantiam exigat, eundem primo quidem fraterne & cum humilitate monere, & non secuta emendatione, apud Rectorem Majorem deferre teneatur. Præter Admonitorem duos adhuc cuivis Rectori locali designabit Consultores, cum quibus semel quoque mense consultabit de negotiis domus respectivæ, & ab omnibus simul instituentur revisiones Calculorum & Missarum libri.

* *

a.) Rector localis gaudet plena auctoritate in omnes Congregatos domus suæ; propterea omnes demonstrare ipsi tenentur omnimodam subordinationem, exactam Obedientiam & summam Reverentiam in rebus quas tenore Regularum & Constitutionum ordinabit.

b.) Studeat, itaque officium suum adimplere non modo voce, verum etiam exemplo, id quod fiet, cum non solum promptum, sed etiam primum se præstiterit in observandis regulis, denegando sibi ipsi omnem particularitatem, vel exemptionem, exceptis casibus, in quibus ipsemet dispenseret quemque Congregatorum suorum.

c.) Summa attentione invigilet, ut stricta observantia vigeat in quovis minimo puncto Regularum & Constitutionum; servorem bonis &

observantibus addat, consulat debilibus, cohortetur & corrigat Inobservantes, & ubi necessarium existimaverit, utatur auctoritate sua, ac pœnas expetat; meminerit enim se aliquando strictam coram Deo rationem de Officio suo redditurum esse.

2.) Poterit quidem dare præcepta specialia Obedientiæ, id tamen non nisi rarissime faciat, & postulantibus non nisi gravissimis, ac urgentissimis causis. Et licet quidem facultatem habeat dispensandi quemquam de sua familia ab Observantia aliqua, id tamen facere nolit nisi consentientibus Consultoribus, & postquam bene examinaverat, an dispensatio rogata vere sit necessaria.

II. Rectores Collegiorum nolint facere expensas superantes Quotam Decem Scutorum (quinque Ducatorum) — sine prævio Consensu Admonitoris & Consultorum suorum. Si vero expensæ faciendæ forent Summam Centum Scutorum excedentes, non sufficiet solus Admonitoris & Consultorum Consensus, sed requiritur in super licentia Rectoris Majoris.

III. Rectores, aut Procuratores eorum, in Transactionibus, Pactis, Contractibus, acceptatione Legatorum, vel demum quocunque superveniente casu, in quo oppoteret obligari bona Collegiorum, præsertim ubi Capitales Summas, pro censu annuo ex usu earum solvendo, assumere necessitas cogeret,

ultra beneplacitum Sedis Apostolicæ, vel Ordinarii Loci, etiam beneplacito a Rectore Majore in Scriptis instructi esse debent.

IV. Rector localis sibi eligit Socium quem vocabit titulo Ministri. Hujus erit juvare Rectorem in cura Domus, & in absentia ejus curam totius Regiminis habebit: in casu isto conformabit se integre statutis & praxi Rectoris, cujus vices agit.



1mo. In Ministrum eligi nequit, nisi qui annos saltem quinque a professione transegerit. *2do.* Electio Ministri semper fiat cum Intelligentia Consultorum & Admonitoris domus. *3tio.* Quoniam absente Rectore ipse curam domus agit, intelligendum est, illum curam domus tunc agere, quando Rector domus aliter non disposuerit.

V. In qualibet Domo, sive Collegio præter Rectorem non sint nisi undecim Sacerdotes, & septem Fratres servientes, exceptis domibus Novitiatus, studiorum, & residentiae Rectoris Majoris, aut Vicarii ejus, in quibus major numerus Individuorum esse poterit.

VI. Rector localis quovis mense requirit Conscientiæ rationem ab omnibus Subjectis, & visitabit cubicula singulorum.

* *

ARTICULUS I.

De Secretario Superioris Generalis.

a.) „ **F**idelitas & Taciturnitas efficiunt Summam Secretarii Superioris Generalis. Cum ipsius sit scribere Epistolas ab ipso dictatas & commissas, nolit quid facere, quod repugnet menti & jussis ejusdem; nec audeat uti nomine ejus in rebus, quæ ab Ipso non sint jussæ & ordinatæ. Nolit quid effutire de iis, quæ scripsit, legit, vel audivit, sed inviolabile semper præstet silentium in omnibus, quæ ipsi committuntur, ita plane se gerat, quasi nihili sibi conscius esset.

b.) „ Concredito sibi negotio aliquo a Superiore Generali nolit in illo conficiendo excedere ordinationem sibi datam, sed esto semper diligens, prudens, & sollicitus in omnibus.

c.) „ Regifret & adservet in optimo ordine omnes Epistolas ex Officio scriptas, & responsa ipsi tradita; at quæ nullius fuerint momenti, quovis mense rejiciat. Abstineat lectione litterarum, quæ in fronte notam soli gerant, nec alias legat, nisi sibi consignatas,

d.) „ Si forte aliquis Congregatorum ipsi scripserit, aut negotium aliquod commiserit Superiori Generali communicandum. ipse urbane se se excuset, & notificet illi, se non posse ingerere in negotium propositum, & ut potius negotium hoc ipse postulans deferat vel directe Superiori Generali, vel uni alterive Consultorum ejus. “

ARTICULUS II.

De Archivis.

a.) „ **I**n omni domo existito Archivum cum duabus clavibus, quarum unam habeto Rector, alteram Archivarius, qui simul Secretarius domus esto.

b.) „ In Archivo servabuntur cum summo studio Scripta, quæ respiciant Census, Emptiones &c. &c. saltem exemplaria Authentica adsunto, nam Originalia mitti debent in Archivum generale.

c.) „ Pari cura ibidem asservantur omnia Jussa, Mandata, Circularia Superioris Generalis, & omnes Epistolæ, quæ vel salutem Congregationis respiciant, vel quidquam de Congregato aliquo statuunt, ne scilicet suo tempore & loco necessaria documenta desint.

d.) „Nec Rector, nec Archivarius potest ex Archivo promere similia scripta, nisi urgente necessitatis casu, & presentibus duobus Consultoribus & Admonitore domus.

e.) In Archivo servantur pariter Scripta Congregatorum qui moriuntur, quin antecederet disposuerint de illis, ibidemque manebunt donec Superior Generalis debitam fecerit dispositionem.

CAPUT SECUNDUM.

De qualitatibus requisitis in subjectis admittendis in Congregationem.

Ius admittendi Clericos vel alios in gremium Congregationis pertinet, ut jam dictum est, ad Rectorem Majorem. Ipse igitur, vel alius ab illo deputatus exactam sibi procurabit informationem de talentis, & moribus eorum qui desideraverint suscipi, præcipue vero de motivo eorum vocationis: Num habeant sorores aut Parentes pauperes, num ære alieno gravati sint, aut delicta aliqua notoria commiserint: num natalibus legitimis orti, nunquam enim admittendæ erunt. Personæ; unde nota aut macula Ministerio vocationis nostræ inuri possit.

Easdem informationes sibi comparabunt Consultores, ubi agetur de receptione adolescentum, qui nondum sint Subdiaconi, cum, ut dictum est, in admissione talium requiretur Votum Consultorum.

* *

a.) Quemadmodum omne Individuum summa sollicitudine eo vertere studium suum debet, ut numerus operariorum Evangelii augeatur, ita eadem sollicitudine & attentione præcipue invigilare tenentur illi, quibus incumbit, ut in Congregationem recipiantur non nisi tales, quos exist maverint capaces & idoneos ad finem Instituti, quin commendationes aut alii respectus humani intercedant.

b.) In Postulantibus igitur primo requiritur vera vocatio, ne sint determinati ad institutum amplectendum ab aliquo fine secundo, sed ut ut Deo placeant, se ipsos sanctificent, & Cooperentur ad salutem animarum. Cum vero Superior aut Consultores in illis animadvertant defectum vel vacillationem hujus tam momentosæ basis, nolint illos admittere, si etiam quis commendatus fuerit, a viris maximæ Auctoritatis; eo minus, si cum sollicitudine urgente Postulantium Parentes, aut Postulantes Potentes intercesserint.

c.) Requiritur secundo, ut præditi sint bonis talentis & Capacitate, studia humaniorum, & Rhetoricam absolverint, latinam linguam bene calleant; in his Examinatores nolint esse indulgentes, nec audiant pro illis intercedentes. In Examine instituantur quæsitæ super facultates quibus operam navaverunt, & cum singulari diligentia periclitentur in exponendis auctoribus la-

tinis. In fine tandem illis imponatur Versio in linguam Vernaculam, & alia in latinam.

d.) In tertio loco seriæ observationes instituantur num fiat natura docili & tractabili; nihil enim boni sperare licet de illis, qui sint temperamenti difficilis, fastidiosi, vel omnino hypochondriaci.

e.) Quarto; Sinto bona Salute & vigorosa Complexione, ut Instituti incommoda subire & ferre valeant. Quod formam externam concernit, non sinto notabiliter deformes, sed bono aspectu, sermone prompto, expedito, & quantum fieri potest suavi.

f.) Quinto; Habeant ætatem convenientem, quæ sit annorum circa circum 15. vel etiam 14. Ad oblationem tamen admitti non poterunt ante annum ætatis 16. exactum. Sinto etiam instructi testimonio Baptismi a Curia Episcopali corroborato, una cum attestato Confirmationis. Nec non attestationem juratam proprii Parochi habeant de vita & moribus, & de frequentia Sacramentorum. Item requirant a postulantibus PERQUIRATUR, id est Attestationem a Curia tam Sæculari, quam Ecclesiastica, quod nullo delicto notorio inquinati, aut alio quodam impedimento Canonico irretiti existant.

g.) Inadmissibiles sinto, pectore laborantes, Sanguinem spuantes, lue veneræ infecti, Apoplexia vel Epilepsia tacti; gravi oculorum morbo vel alio eorundem defectu, aut quocunque alio malo incurabili incommodati, unde Congregationis scopo inutiles redderentur; præ reliquis autem absolute excluduntur gallico aut alio morbo infamante laborantes; & si quis Postulantium ex malitia unum ex prædictis morbis reticeret, post temporis autem intervallum mor-

bus sese manifestaret, quodque jam in sæculo contractus fuerit adpareret, ipso facto, & jure quidem, e Congregatione dimittatur, licet jam forte Oblationem sui per vota fecisset. Hæc Dimissionis pœna Recipiendis notificetur ante Investitionem eorum, ne postea motivum vel rationem contradicendi habeant.

b.) Non admittantur, qui habeant genitores pauperes, & qui Postulantium opera necessario indigeant ad propriam vitæ Sustainementum. Id ipsum intelligitur de illis, quibus sint sorores nobiles, pauperes, & absque alio fulcro & succursu. Idem valet de illis, qui onusti sint ære alieno nondum satisfacto; vel obligati reddere longos calculos, difficiles & intricatos; item non admittendi sunt Juvenes qui male audiant apud Principem, vel Patronum loci, in quo nati sunt, & denique illi præcipue non, de quibus Episcopus male sentit, & quibus forte jam negaverat Ordinationem.

i.) IMPEDIMENTA absoluta & indispensabilia sunt: Apostasia a fide, & Crimen Hæreseos, quarum postulans publice sit damnatus, separando se ab unitate Ecclesiæ. Quando autem hæresis vel Schisma non sint peccatum particulare Postulantis, sed Generale illius Patriæ, vel Nationis, non erit impedimento; Homicidium voluntarium, & Infamia ex peccatis enormibus contracta, excludunt pariter. Recognitio similium culparum infamantium attinet ad Superiorem generalem, suosque Consultores; Natalium Illegitimitas, Ortus ex parentibus hæbentibus, Condamnatio per Sententiam publicam, & quæcunque alia Infamia ex quovis capite contracta, sunt impedimenta absoluta; denique etiam non admittantur filii parentum infamem vitæ rationem pro-

fitentium, veluti Sicariorum, Latronum, Vagabundorum, Sannionum, & aliorum idgenus.

k.) Non reassumantur qui jam una vice ex Congregatione dimissi fuerunt; vel alius Ordinis, Instituti aut Congregationis vestem detulerunt, etiam si per breve tempus, nisi Superior Generalis aliter in hoc puncto disposuerit.

Exemplar

Attestationis faciendæ a quovis Postulante, antequam ad Vestem suscipiendam admittatur.

Anno N. Mense N. Die N. in Collegio N. coram ejusdem R. P. Rectore N. ejusque RR. PP. Consultoribus, NN. & Novitiorum Magistro N. ego N. filius legitimus & naturalis NN. natus in Urbe seu Prædio N. Dioecesis N. Baptizatus in Ecclesia Parochiali N. Anno N. Mense N. Die N. Confirmatus ab Episcopo N. Anno N. Mense N. Die N. Absolvi Studia NN. Mente & corpore sanus, nulli gravi salutis incommodo aut secreto defectu laborans, vigore præsentium cum juramento attestor, quod omnia Impedimenta de verbo ad verbum mihi prælecta fuerint, quæ expressa habentur in Constitutione respectu illorum qui in Congregationem Sanctissimi Redem-

ptoris assumi postulant, quodque interrogatus fuerim super illa, & mihi eodem tempore intimata sit poena Expulsionis, etiam post vota, quam acceptavi, & cui me submisi, si ex malitia aliquod commemoratorum impedimentorum tacuerim.

*Datum in supradicto Collegio N.
Anno N. Mense N. Die N.*

*Ego N. attestor & confitear ut supra
manu propria.*

Duo Testes. Sigillum.

II. Secretarius Congregationis in libro distincte notabit diem, Mensem & Annum receptionis subjecti cujusque.

III. Tali modo recepti Postulantes, probabuntur per aliquod tempus in suis quisque vestibus; & absolutis per quindecim dies Exercitiis spiritualibus, admittentur in Novitiatum; in quo Clerici per annum, per duos annos Fratres servientes, & saltem per menses sex Sacerdotes ætatis maturæ, si ita visum fuerit Rectori Majori, sub cura Magistri Novitiorum, conabuntur virtutes vocationi suæ magis convenientes & necessarias acquirere. Quod si in hoc anno probationis obligationibus Tyronum plene satisfecerint, factis aliis quindecim

cum dierum cum majori rigore spiritualibus Exercitiis, cum licentia Rectoris Majoris ad Oblationem admittentur, in qua simplicia Vota Castitatis, Paupertatis & Obedientiæ, cum Voto & Juramento Perseverantiæ in beneficium Congregationis acceptantis, persolvent: hæc porro Vota, & Juramentum dissolvi & dispensari nequeunt, nisi a Summo Pontifice, aut Rectore Majore; & cum hac etiam Conditione & restrictione semper præstari intelliguntur.

* *

Obviando omni d sordini undecunque in hoc puncto orituro, sequens a Capit: Gerali Auctos: Apost: Congregati statuitur Decretum.

Prohibitum est cu que Congreg torum sub Præcepto formali Obedientiæ derelinquere domum in qua ipsi assignatum est domicilium, absque expressa licentia Superioris; & sub eodem Præcepto formali interdicitur petere Dispensationem votorum dum quis extra Instituti sui domum moratur.

Eti unquam forte Nostrum quis foret in posterum, qui Obedientiam talem, sub qualicunque, prætextu nih li curare auderet, is ipso facto suspensus a divinis esto, quâ semet ipsum a legitimis Superioribus eorumque Obedientia, usurpata nefarie legali Auctoritate, separans & eximens.

Quodsi porro cuicunque Congregatorum Superiores respectivi mandaverint, se in domum designatam recipiat, is vero obtemperare eorum

mandatis reuſauerit, in tali caſu idem Capitulum declarat illum incurriſſe cenſuras, & pœnas Canonicas contra Apoſtatas latis, juxta tenorem Privilegiorum Noſtrorum: Præſens Decretum præ omnibus in Admonitionem Canonicam valet ſi aliquando forſan neceſſaria foret.

IV. Poſt Vota emiſſa Alumni Studiis incumbant, ſemper tamen remanebunt ſub cura Præſecti Spiritualis, uſque dum ordinati fuerint.

Ad ordines ſuſcipiendos requiritur ſemper Permiſſio Rectoris Majoris; & ordinarie quidem ad opera Miſſionum non exhibunt, ante ætatem annorum triginta; poterit tamen in caſu neceſſitatis Rector domus illos ad operandum applicare infra ætatem iſtam, dummodo id fiat cum Intelligentia Rectoris Majoris.

* *

a.) Circa iſtud punctum Capitulum decrevit, quod Alumni Studentes nequeant accedere ad Ordines Sacros, niſi ſaltem terminaverint Studia Theologiæ Dogmaticæ & Moralis; & non niſi cum expreſſa licentia & Diſmiſſorio Superioris Generalis; quodque Ordinandi manere debeant ſub Directione Præſecti; ſub cuius directione pariter manebunt Sacerdotes, qui intraverint Congregationem nondum ſatis verſati in Studiis, & quidem ſub illius directione manebunt uſque dum totam Theologiam Moralem & Dogmaticam abſolverint.

b.) Capitulum Generale refleſtendo quod Studentes Alumni parum temporis habeant in Stu-

dia impendendi, decrevit eximere ipsos solis diebus Studiorum, ab hora Dimidia Orationis mentalis intra diem, itaque post meridiem unum solum quadrantem horæ facerent lecturæ spirituales, & alterum quadrantem Orationi mentali. Idque a mense Septembri inclusive, usque ad 15. Martii.

c.) Cum Moniales Congregationis SSmi Redemptoris in urbe Sanctæ Agathæ Gothorum Regni Neapolitani rogaverint communicationem Suffragiorum cum nostra Congregatione in casu mortis cujusdam illarum; Capitulum Generale examinata illarum petitione decrevit, quod in casu mortis Religiosæ SSmi Redemptoris, quælibet nostrarum domuum, ultra Suffragia communia, Nocturnum defunctorum recitare, & unam Missam cantatam celebrare teneatur; Moniales vero non solum integrum Officium defunctorum trium nocturnorum recitare, & suffragia communia persolvere sed etiam Missam cantatam unam; 4. Missæ Sacrificia lecta celebrari curare obligentur pro mortuo Superiore Generali; Missam unam cantatam & privatas duas pro mortuo Congregationis Sacerdote; & rursus Missam unam cantatam & lectam unam in morte Studentium cujusque atque fratrum servientium; Pro Novitiis & Novitiabus respectivis suffragia solita communia.

„Præsens Decretum se extendit etiam ad Moniales reliquorum Monasteriorum Sanctissimi Redemptoris, si forte hanc Communicationem roga-
rent,“

V. Quamquam transgressio præsentium Regularum & Constitutionum in nullum peccatum inducat, nihilominus ta-

men Superiores cum omni zelo illarum Observantiam exequi procurent, nolint esse faciles in Dispensationibus concedendis, nisi in casu necessitatis a respectivis Superioribus localibus, & illorum Consultoribus examinando; si necessitas hæc fuerit particularis alicujus Subjecti; si vero Dispensationes respiciant Commune Congregationis, recurri tunc debet ad Rectorem Majorem, qui cum consilio suorum Consultorum illas concedere poterit, non tamen pro semper, quoniam solum Capitulum Generale suæ reservavit auctoritati generales & perpetuas Dispensationes concedendi, propter gravissimas causas.



ARTICULUS I.

De Privilegiis Congregationis.

Cum proponeretur Capitulo Generali, num Privilegia Congregationi Nostræ tam directe quam per viam Communicationis cum aliis Congregationibus & Ordinibus Religiosis concessa, acceptari debeant nec ne; Omnibus rite perpensis eo decretum est, quod acceptari debeant, sicut reapse etiam acceptata

sunt; cum sequentibus tamen Restrictionibus & Conditionibus, quod nempe. *1^{mo}*. Capitulum horum acceptatione nolit acceptare illa Privilegia, quæ Superiori Generali vel aliis Superioribus concedunt facultatem imponendi Congregatis pœnas corporales, quæ formam judicariam exposcant, v. g. pœnam Carceris formalis diuturni, &c. &c. *2^{do}*. Respectu pœnarum spiritualium acceptantur commemorata Privilegia prout de Jure. *3^{tio}*. Cum haud e re foret, si quisque Congregatorum Privilegiis his pro arbitrio suo uti posset, Capitulum ordinat, nulli Congregatorum permisum esset, uti & frui Privilegiis, Gratiis, Concessionibus, & Exemptionibus nostræ Congregationi concessis, nisi cum Intelligentia & beneplacito Superioris Generalis, qui vel ipsemet, vel per alios, in quos Commissionem contulerit, Privilegia illa vel omnia, vel in parte, singulis Nostrum juxta Bullarum & Rescriptorum Pontificiorum normam communicabit. “

ARTICULUS N.

De Renovatione Votorum.

a.) „ **D**uabus vicibus quotannis fiat renovatio Votorum & Juramenti, & quidem prima Nocte Nativitatis Domini nostri Jesu Christi; altera vero in Festivitate Sanctissimi Redemptoris; postquam a Rectore brevis Exhortatio instituta fuerit ad Communitatem, qua animabit Congregatos, ut semper magis cum Jesu Christo sese conciliari & unire conentur, obligationum quas Vota ipsis imponunt reminiscantur, & fructus spirituales quos hujus Renovationis virtute lucrari possint, maturo animo perpendant.

b.) „ Admonentur & adhortantur cum tenerrimo Cordis paterni affectu omnes & singuli, ut non intermittant ultra has duas Renovationes in Communi instituendas, quisque etiam pro se privatim frequenter Vota sua & Juramentum coram Deo renovare, præcipue quovis 25. cujusque Mensis die, singulis festis solennioribus Domini, & Beatissimæ Virginis Mariæ.

*Formula Renovationis Votorum;
estō sequens:*

” Ego NN. Congregationis Sanctissimi Redemptoris, in præsentia divinæ Majestatis, Beatissimæ Virginis MARIÆ, Sancti JOSEPH & Sanctorum Omnium, renovo Vota Paupertatis, Castitatis & Obedientiæ una cum Voto Perseverantiæ, quæ die susceptionis mei absolvi, eaque hodie rursus ratifico & confirmo in modo & forma a Regula, Constitutionibus & Privilegiis expressa, cum firmissimo proposito permittendi me totum JESU CHRISTO & Congregationi. Ita me DEUS adjuvet, & sua Sancta Evangelia.” (*Hic imponuntur digiti Evangelio.*)

VI, „NOVERINT denique omnes & singuli, quibus Congregatio regiminis sui clavum moderandum concedidit, gravem sibi obligationem imponi, ut in id solum omnem sollicitudinum suarum intendant nervum, quo supra insertæ Regulæ, Statuta, Ordinationes, Decreta, &c. &c. tam in generali, quam in particulari, exacte servantur. “

„Cum autem Superioris Generalis, partium sit, Collegia & domos novas erigere, Foundationes in hunc finem oblatas acceptare, vel etiam circumstantiarum momentis id ferentibus, fundatas jam Domos dimittere; ideo nolit unquam foundationem novæ alicujus domus, quomodocumque favorabilis sit, acceptare, quin prævie certus sit, nihil impedimenti adesse, sive ex parte Principis aut Patroni, sive Ordinarii Loci, sive Communitatum respectivarum civilium, quô ab Instituti nostri Individuis, occupationum, functionum, officiorum, & aliorum quorumcumque a Regula & Constitutionibus præscriptorum laborum ordo intra respectivas Domos & Ecclesias exacte servari valeat. “

VII. „Quodsi vero decursu temporis talia pro domo impedimenta ingruere animadverterit, quæ Regularum Vocationis nostræ executionem, vel in toto, vel in parte omnino prohiberent, nihil tunc sani Consilii capeßere intermittat, quô, si fieri possit, illorum animos iustis rationibus Instituto reconciliet, a quibus impedimenta hæc mota fuere, & quorum Auctoritatis est denuo illa removendi. “

VIII. „ET QUONIAM ea non raro mentis humanæ ratio esse solet, ut a

proposito semel ardentem capto non facile amoveri patiatur: Superioris Generalis, vel ejus Vicarii pertium esto, conatum tandem & rationum momentis nihil omnino proficientibus, evitata omni prorsus contentione, Domum in loco tali fundatam, servatis quibusvis servandis, in Spiritu Pacis & Humilitatis Apostolicæ dimittere. Præstat enim Nos numero pauciores minusque extenses, & simul observantes esse, quam undequoque diffusos, & rerum servandarum incurios. — Illi vero qui talia pericula struent, ipsi videant, quomodo coram tremendo Jesu Christi judicio subsistant. “

*Cum autem, sicut eadem expositio sub-
jungebat, dicti exponentes præinsertas
Constitutiones, seu Regulas, aut Sta-
tuta, quo firmitus subsistant, & serven-
tur exactius Apostolicæ confirmationis
patrocinio communiri summopere desi-
derent, Nos specialem ipsis Exponenti-
bus gratiam facere volentes, & eorum
singulares personas a quibusvis excom-
municationis, suspensionis, & interdi-
cti, aliisque Ecclesiasticis sententiis, cen-
suris, & poenis a jure, vel ab homine
quavis occasione, vel causa latis, si qui-*

bus quomodelibet innodata existunt, ad effectum præsentium tantum consequendarum serie absolventes, & absolutas fore censentes, supplicationibus eorum nomine Nobis super hoc humiliter porrectis inclinati, de Venerabilium Fratrum S. R. E. Cardinalium Concilii Tridentini Interpretum, ad quos supplicem libellum Nobis porrectum remisimus, qui relationem dilecti Filii Nostri Josephi ejusdem S. R. E. Presbyteri Cardinalis Spinelli nuncupati ex concessione, & dispensatione Apostolica Metropolitana Ecclesiæ Neapolitanæ Præfules, ad eosdem Cardinales transmissam attenderunt, ac votum dilecti itidem Filii Nostri Joachimi S. R. E. præfatæ Presbyteri Cardinalis Besutii nuncupati ad hujusmodi negocium examinandum ab eadem Cardinalium Congregatione deputari perpenderunt consilio, Institutionem primodictæ Presbyterorum Congregationis sub titulo SSmi Redemptoris, ac præinsertas Constitutiones, seu Regulas, aut Statuta, Auctoritate Apostolica tenore præsentium confirmamus, & approbamus, illisque invidiabilis Apostolicæ firmitatis retur adjicimus. Decernentes easdem præsentis litteras semper firmas, validas, & efficaces existere, & fore, suosque plenarios, & integros effectus sortiri, & obtinere,

*ac illis, ad quos spectat, & pro tempore
quandocunq; spectabit plenissime suffra-
gari, & ab eis respective inviolabiliter
observari; sicque in præmissis per quos-
cumque Iudices Ordinarios, & Delega-
tos etiam Causarum Palatii Apostolici
Auditores judicari, & definiri debere, ac
irritum, & inane, si secus super his a
quoquam quavis authoritate scienter, vel
ignoranter contigerit attentari. Non ob-
stantibus Constitutionibus, & Ordinatio-
nibus Apostolicis, cæterisque contrariis
quibuscumque, Volumus autem, ut præ-
sentium litterarum transumptis, seu e-
xemplis etiam impressis manu alicujus
Notarii publici subscriptis, & sigillo Per-
sonæ in Ecclesiastica dignitate constitutæ
munitis, eadem prorsus fides tam in Ju-
dicio, quam extra illud ubique adhibea-
tur, quæ ipsis præsentibus adhiberetur,
si forent exhibitæ, vel ostensæ.*

*Datum Romæ apud Sanctam Mariam
Majorem sub Annulo Piscatoris, die Vi-
gesima quinta Februarii Millesimo se-
ptingentesimo quadragesimo nono, Pon-
tificatus Nostri Anno Nono.*

D. Cardinalis PASSIONEUS.

Loco ✠ Annuli Piscatoris in Cera rubea impress.



APPENDIX.

Inter innumeras ferme gratias & Privilegia, quibus S. Sedes tum directe, tum per communicationem, nostram Congregationem ditare dignata est habentur etiam subsequentes:

1mo. Possunt Sacerdotes nostri ex concessione Benedicti XIV. & Clementis XIV. tam in ædibus urbanis, ac suburbanis, erigere Oratoria ad rem divinam faciendam, & præsertim in cubiculis propriis, cum decumbunt infirmi ad eorumdem spiritus consolationem, nec non & Missionum tempore in domibus, in quibus interea resident, absque alia Ordinariorum licentia, sed tantum facta eis hujus Privilegii manifestatione. = *Extat Originale in Archivo Generali.*

2do. Ex concessione præfati Benedicti XIV. possunt Christi Fideles, visitantes per novem continuas Dominicas Parochiales Ecclesias Civitatum & locorum, in quibus nostri Sacras Missiones peregerunt, in nona Dominica Indulgentiam plenariam lucrari; in reliquis vero singulis octo Dominicis, Centum dies, persolutis persolvendis. = *Extat Originale in Archiv. Generali.*

3tio. Ex concessione ejusdem Summi Pontificis Benedicti XIV. habent nostri facultatem distribuendi sacras imagines Immaculatæ Virginis Mariæ, cum applicatione Indulgentiæ plenariæ in designato die per eos qui distribuunt, in quo ille, cui traditur jejunium faciat, & SS. Sacramenta pœnitentiæ & Eucharistiæ sumat. = *Extat Origin: in Archiv: Gli.*

4to. Ex concessione Pii PP. VI. habent nostri Sacerdotes professi facultatem benedicendi sacra Numismata Cruces &c. cum applicatione Indulgentiæ plenariæ in articulo mortis, nec non & sacras coronas divæ Brigittæ itidem cum indulgentiarum applicatione; omnia hæc in designato numero juxta placitum Rmi Patris Generalis, vel Rectoris localis, vel Missionum Superioris. = *Extat Orig: in Archiv: Generali.*

5to. Possunt Superiores Missionum nostrarum dispensare cum suis Confociis super Officium divinum commutando obligationem omnium horarum Canonicarum in solas Vesperas diei cum Completorio, quod valet non solum in actu Missionis, sed etiam in itineribus ad Missiones. = *Extat Origin: in Archiv: Genrli.*

6to. Ex concessione Pii VI. sub die 20. Octobris, conceditur nobis Communicatio amplissima, imo extensio in verbis.

tollentibus quamcumque dubietatem, videlicet pariformiter, æque principaliter ac si nobismet ipsis fuisset concessa, Communicatio inquam omnium & singulorum Privilegiorum, Indultorum, Exemptionum, Indulgentiarum, Gratiarum, Facultatum, quas habent & habebunt omnes Congregationes tam sæculares quam regulares, ac Ordines tam mendicantes quam non mendicantes. = *Extat Origin: in Arch. v. Garli.*

7mo. Ex speciali concessione Rmorum PP. Generalium Ordinum S. Augustini, Carmelitarum, Trinitariorum, & Theatinorum habent & habebunt nostri Sacerdotes facultatem benedicendi sacrascapularia & cincturas ad ipsos respectivos Ordines spectantia; nec non scapularia Septem dolorum B. V. M. ordinis Servorum Mariæ; sicut & coronas, rosaria, & cingula beati Thomæ Aquinatis ex concessione RR. PP. Generalium Ordinis Prædicatorum, & Ordinis Servorum Mariæ.

8vo. Ex concessione Benedicti XIV. habent Sacerdotes nostri Privilegium personale Altaris privilegiati, ita ut quodcumque Altare in quo quis nostrum S. Missæ Sacrificium celebraverit, pro ipso celebrante sit privilegiatum. = *Extat Origin: in Archiv: Garli.*

970. Ex concessione ejusdem Benedicti XIV. habent nostri facultatem in omnibus eorum Ecclesiis pro nunc erectis & in futurum erigendis designandi unum Altare quod sit in perpetuo privilegiatum. Concessit insuper præfatus Pontifex singulis Ecclesiis nostris omnes Indulgentias concessas, & in posterum concedendas Ecclesiæ S. Mariæ ad Martyres, vulgo S. Mariæ in Rotunda de urbe Roma. Indulgentiæ vero Ecclesiæ S. M. in Rotunda a Summis Pontificibus concessæ in beneficium Fidelium, qui corde contrito confessi, aut saltem cum proposito efficaci proximæ Confessionis absolvendæ, dictam Ecclesiam devote visitaverint, & unam *Pater* & *Ave* pro exaltatione S. Ecclesiæ, pro summo Pontifice; pro pace & concordia christianorum Principum recitaverint, sunt sequentes ex Transumpto Indulgentiarum, in Typographia Camera Apostolicæ impresso, fideliter extractæ:

- a.) Omnes Indulgentiæ locorum in Terra Sancta, quæ sunt numero 50. Plenariæ, 187. Septenæ, & 7. Quadragenæ.
- b.) Easdem Indulgentias concessit Paulus III. visitantibus Altare S. Joseph sponsi Beatissimæ Virgi-

nis in eadem Ecclesia, quotiescunque illud visitaverint. Alexander VII. illas confirmavit, & concessit præterea, ut toties quoties, applicari possint in suffragium Animabus in Purgatorio.

c.) Benedictus XIII. concessit eidem Ecclesiæ Altare privilegiatum perpetuum.

d.) Particularis Indulgentia plenaria conceditur Christi fidelibus, qui Altare S. Joseph Sponsi B. V. visitaverint die 19. Martii, alia Indulgentia plenaria Ecclesiæ concessa pro 13 Maii, alia item pro 1. Novembris; multæ aliæ indulgentiæ quæ lucrari possunt festo inventionis S. Crucis, Dominica infra Octavam Ascensionis, singulis festis Beatissimæ Virginis. Item remissio tertiæ partis peccatorum visitantibus omnia Altaria hujus Ecclesiæ. Undecim millia annorum indulgentia feria sexta infra Octavam Paschatis.

Omnes istæ & aliæ plurimæ gratiæ & indulgentiæ pariter per viam Communicationis concessæ sunt a Benedicto XIV. cuilibet Ecclesiæ nostræ Congre-

gationis, in qua Altare S. Joseph erectum sit, a cunctis Christi fidelibus rite contritis & pœnitentibus, ac reliquis de jure præstandis præstitis, lucrandæ.

Præterea particularis gratia Indulgentiæ plenariæ lucrandæ concessa est singulis Congregationis nostræ Individuis quotiescunque sive in respectivis Cubiculis, sive in Ecclesia corde contrito Psalmum 50. *Miserere mei Deus*, cum Oratione: *Deus qui culpa offenderis, &c.* devote recitaverint. = Extant omnium istorum Privilegiorum, Indultorum, Gratiarum, &c. &c. Originalia in Archivo nostræ Congregationis Generali.



Non nulla pietatis exercitia,
diversis temporibus

*a Congregatis Sanctissimi Redemptoris
fieri solita.*

Pro Feria Sexta.

QUINDECIM ORATIONES

S. BRIGITTÆ,

VIDUÆ SVECÆ,

DE PASSIONE CHRISTI.

ORATIO I.

O JESU Christe! æterna dulcedo Te
amantium, jubilus excedens omne gau-
dium, & omne desiderium, salus & ama-
tor peccatorum, qui delicias tuas testa-
tus es, esse cum filiis hominum, propter
hominem homo factus in fine temporum,
memento omnis præmeditationis, & in-
timi mœroris, quem in corpore humano
sustinuisti, instante saluberrimæ Passionis
tuæ tempore in divino corde præordina-
to. Memento tristitiæ, & amaritudinis:
quam in anima (te ipsô attestante) ha-

buiſti, quando in ultima cœna Diſcipulis tuis Corpus & Sanguinem tuum tradidiſti, pedes eorum laviſti, & dulciter eos oſculando, imminentem Paſſionem prædixiſti. Memento omnis timoris, anguſtiæ & doloris, quem in tuo Corpore delicato, ante Paſſionem crucis tuæ, perſuſiſti, quando poſt trinam orationem, & ſanguineum ſudorem, a Juda diſcipulo tuo tradebaris, ab electa gente capiebaris, a falſis teſtibus accuſabaris, a tribus iudicibus injuſte iudicabaris, in electa civitate, in Paſchali tempore in florida corporis juventute innocenter damnabaris, veſte propriâ exuebaris & veſtibus alienis induebaris, colaphizabaris, alapis cædebaris, ad columnam ligabaris, flagellabaris, ſpinis coronabaris, a rundine in capite feriebaris, innumerabilibus aliis calumniis lacerabaris. Da Domine Deus mihi, quæſo, ob memoriam harum ante crucem tuam paſſionum, veram ante mortem meam contritionem, veram confeſſionem, dignam ſatisfactionem, ac omnium peccatorum meorum remiſſionem. Amen.

II.

O JESU! vera libertas Angelorum, paradifus deliciarum, memento mœroris, & horroris, quos ſuſtinebas, cum om-

nes inimici tui, quasi leones ferocissimi, te circumsteterunt, & colaphizationibus, ungulationibus, cæterisque pœnis inauditis te molestarunt. Per has pœnas, & per emnia contumeliosa verba, durissimaque tormenta, quibus te Domine Jesu Christe, omnes inimici tui afflixerunt, deprecor te, ut liberares me ab omnibus inimicis meis, visibilibus & invisibilibus, & dones mihi sub umbra alarum tuarum, ad perfectionem salutis æternæ pervenire. Amen.

III.

O JESU ! mundi fabricator, quem nulla dimensio verò terminò metitur, qui terram palmò concludis : recordare amarissimi doloris, quem sustinebas, cum Judæi sanctissimas manus tuas ad crucem obtusis clavīs primo affixerunt, & ad perforandum delicatissimos pedes tuos, (cum factis in cruce foraminibus, Corporis tui statura minus esset conveniens) dolorem super dolorem vulneribus tuis addiderunt, & sic crudeliter te distraxerunt, & extenderunt in longum & latum crucis tuæ, ut dissolverentur compages membrorum tuorum. Deprecor te, per hujusmodi sacratissimi, amarissimique in cruce doloris memoriam, des mihi timorem & amorem tuum. Amen.

IV.

O JESU! cœlestis Medice, recordare languoris, livoris, & doloris, quos in alto crucis patibulo levatus, passus es in omnibus dilaceratis membris tuis, quorum nullum in statu suo recte permanerat, ita, ut nullus dolor dolori tuo similis inveniretur, quia a planta pedis, usque ad verticem capitis, in te non fuit sanitas. Et tamen omnium dolorum immemor, Patrem pro inimicis pie orasti, dicens: *Pater ignosce illis, quia nesciunt, quid faciunt.* Per hanc misericordiam, & ob memoriam illius doloris, concede, ut hæc memoria Passionis tuæ amarissimæ, sit omnium peccatorum meorum plena remissio. Amen.

V.

O JESU! speculum claritatis æternæ, memento illius mœroris, quem habuisti, quando in speculo serenissimæ Majestatis tuæ conspexisti prædestinationem Electorum, per merita tuæ Passionis salvandorum: & reprobationem malorum, per sua demerita damnandorum: & per abyssum miserationis tuæ, quâ nobis perditis peccatoribus, & desperatis, tunc condoluisti, & quam latroni exhibuisti, dicens: *Hodie mecum eris in Paradiso.* Rogo te pie JESU, facias mecum mise-

ricordiam tuam in hora mortis meæ.
Amen.

VI.

O JESU Rex amabilis! & amice totus desiderabilis, memento illius mœroris, quem habuisti, quando nudus, & miserabilis in cruce pependisti, & omnes amici, & noti tui adversum te steterunt, & nullum consolantem inveniebas, sed solam dilectam Genitricem tuam, in amaritudine animæ tuæ tibi fidelissime adstantem videbas, quam Discipulo tuo commendasti, & ipsum discipulum per te ei filium dedisti dicens: *Mulier ecce filius tuus*; & ad Discipulum: *Ecce mater tua*. Rogo te, pie JESU! per gladium doloris, qui tunc ejus animam pertransivit, ut compatiaris mihi in omnibus tribulationibus, & afflictionibus meis, corporalibus, & spiritualibus, & des mihi consolationem in tempore tribulationis, & in hora mortis meæ. Amen.

VII.

O JESU! fons inexhaustæ pietatis, qui ex intimo affectu in cruce dixisti: *Sitio* (scilicet salutem generis humani) accende, quæsumus, cordium nostrorum desideria & omne opus perfectum: & sitim carnalis concupiscentiæ, & æstum.

mundanæ delectationis, in nobis penitus refrigera & extingue. Amen.

VIII.

O JESU! dulcedo cordium, ingensque suavitas mentium; per amaritudinem acetii & fellis, quam pro nobis degustasti, in hora mortis meæ, concede mihi corpus & sanguinem tuum digne percipere, ad remedium, & consolationem animæ meæ. Amen.

IX.

O JESU! regalis virtus, jubilusque mentis, memento angustiarum, & doloris, quem passus es, quando præ mortis amaritudine, & Judæorum insultatione, cum magna voce te a DEO Patre derelictum clamasti, dicens: *DEUS meus, DEUS meus, ut quid me dereliquisti!* per hanc angustiam, rogo te, ut in angustis meis non derelinquas me, Domine DEUS noster. Amen.

X.

O JESU! Alpha & Omega, Virtus & Vita, in omni tempore recordare, quod a summo capitis usque ad plantam pedis, te pro nobis in aquam Passionis tuæ demersisti. Propter latitudinem & longitudinem vulnerum tuorum, doce me
in

in peccatis demersum, per veram charitatem custodire latum mandatum tuum. Amen.

XI.

O JESU! abyssus profundissimæ misericordiæ, rogo te, propter profunditatem vulnerum tuorum, quæ pertransierunt medullam ossium, ac viscerum tuorum, ut me submersum in peccatis emergas, abscondasque in foraminibus vulnerum tuorum, a facie iræ tuæ, donec pertranseat furor tuus Domine. Amen.

XII.

O JESU! Veritatis speculum, signum Unitatis, Charitatisque vinculum, memento multitudinis innumerabilium vulnerum tuorum, quibus a summo capitis, usque ad imum pedis vulneratus fuisti, & sanctissimô Sanguine tuô rubricatus; quam magnitudinem doloris in virginea Carne tua pertulisti pro nobis, pie JESU. Quid ultra debuisti facere, & non fecisti? scribe, quæso, pie JESU, omnia vulnera tua in corde meo, pretiosissimô Sanguine tuô, ut in illis legam dolorem tuum, ac mortem, & in gratiarum actione usque in finem jugiter perseverem. Amen.

XIII.

O JESU! Leo fortissime, Rex immortalis & invictissime, memento doloris,

quem pāssus es, cum omnes vires cordis & corporis tui tibi penitus defecerunt, & inclinato capite: *Consummatum est!* dixisti: Per hanc angustiam & dolorem miserere mei in ultima consummatione exitūs mei, cum anima mea anxia fuerit, & spiritus meus conturbatus. Amen.

XIV.

O JESU! unigenite altissimi Patris splendor, & figura substantiæ ejus: memento obnixæ commendationis, quā Patri spiritum commendāsti, dicens: *In manus tuas, Domine, commendo Spiritum meum*; & laceratō corpore, & ruptō corde, cum valido clamore patefactis viceribus misericordiæ tuæ, pro nobis redimendis exspirāsti. Per hanc pretiosissimam mortem, precor te, Rex Sanctorum, conforta me ad resistendum diabolo, mundo, carni, & sanguini, ut mundo mortuus, tibi vivam, & in novissima hora exitūs mei, suscipe ad te reverentem spiritum meum exulem & peregrinum. Amen.

XV.

O JESU! vitis vera, & fœcunda, memento superfluentis & abundantis effusionis Sanguinis, quem tu, sicut de botro expressum, copiosissime effudisti, quando in cruce torcular solus calcasti,

& lancea militari perfosso latere, nobis Sanguinem & Aquam propinasti, ita, ut minima gutta in te non remaneret: & demum, quasi myrrhæ fasciculus, in altum suspensus fuisti, & delicata Caro tua evanuit, & liquor viscerum tuorum exaruit. Per hanc amarissimam Passionem, & pretiosi Sanguis effusionem, pie Jesu, precor te, suscipe animam meam in agone mortis meæ. Amen.

Veneratio S. Sindonis.

DEUS, qui nobis in S. Sindone, quâ corpus tuum Sacro-Sanctum de Cruce depositum, & a Joseph involutum fuit, Passionis tuæ vestigia reliquisti, concede propitius, ut per mortem & sepulturam tuam ad resurrectionis gloriam perducamur. Qui vivis & regnas cum DEO Patre, in unitate Spiritûs Sancti DEUS, per omnia sæcula sæculorum. Amen.

Tres incomparabiles laudes SSmi Trinitatis, quavis hora repetendæ.

Adoro & benedico Te SSma Trinitas, in unione illius ineffabilis gloriæ, qua Deus Pater in sua omnipotentia Filium & Spiritum Sanctum glorificat & exaltat per sæcula.

Adoro, benedico & magnifico, Te SSma Trinitas, in unione illius incomprehensibilis gloriæ, qua Deus Filius in sua inscrutabili Sapientia Patrem, & Spiritum Sanctum glorificat & exaltat per sæcula.

Adoro, benedico & exalto Te SSma Trinitas, in unione illius superdignissimæ gloriæ, qua Spiritus Sanctus in sua invariabili benignitate Patrem & Filium glorificat & superexaltat per sæcula.

Ens entium! adoro Te nomine omnium creaturarum. In illa profundissime humiliata & contrita adoratione, qua Redemptor meus Iesus Christus, dum adhuc in terris degeret, Te adoravit, omni momento Te adorare & glorificare desidero, ad reparandos omnes totius vitæ meæ & cœterarum Creaturarum ingratitudinis actus. Concede mihi gratiam te agnoscendi, te amandi, te glorificandi, te superexaltandi & in amore tuo in vita, in morte & in æternum perseverandi. Per Christum Dominum nostrum. Amen.

Laus SSmæ Trinitatis & gratiarum actio pro creatione B. V.

Laudo, superexalto & benedico Te ineffabilis Omnipotentia Dei Patris. Lau-

do, superexalto & benedico Te inscrutabilis Sapientia Dei Filii. Laudo, superexalto & benedico Te interminabilis Benignitas Spiritus Sancti. Laudo, superexalto, benedico, & magnifico Te Beatissima Trinitas, quia scivisti, potuisti & voluisti creare Virginem gratia plenam, salutis nostræ cooperatricem, per quam thesauros divitiarum tuarum adeo abundanter effundis, ut per illam cuncta quæ in Cœlo & super terram moventur, rore gratiæ tuæ irrigata sint: ideoque nomine omnium creaturarum laudo, veneror, glorifico & adoro Te. Laus, honor, virtus, gloria & gratiarum actio sit Tibi omnipotenti trino & uno Domino & Deo Patri, Filio, & Spiritui Sancto ex nunc usque in sæculum. Amen.

*Salutatio Beatissimæ Virginis
MARIE.*

Laudo & saluto Te o Mater omnis beatitudinis! dignissimum ærarium Spiritus Sancti. Per sacratissimum Cor Jesu, Tui & æterni Patris dilectissimi Filii, te rogo, ut in cunctis necessitatibus meis, præcipue in hora mortis meæ in auxilium mihi succurrere digneris. Amen.

Salutatio Vulnerum Jesu Christi.

O JESU mi, plagis & vulneribus consite! sanctissimum nomen tuum esto semper in corde meo. JESU, o dulcissime JESU mi! intra vulnera tua me recondo, corpus & animam meam tibi semper commendo.

Salvete pretiosissima JESU vulnera in Omnipotentia Patris, qui dedit vos. Salvete in Sapientia Filii, qui sustinuit vos. Salvete in bonitate Spiritus Sancti, qui per vos redemptionem generis humani perfecit. Vobis commendo me, in vos demergo me, intra vos abscondo me; ut in vobis, & per vos, & vestra perfectione liberari merear ab omni malo & a facie vastatoris. Amen.

CULTUS B. VIRGINIS MARIE

PRO SABBATO.

Constans quinque Psalmis ex Psalterio S Bonaventurae.

Suffragium.

Sub tuum præsidium confugimus, Sancta Dei Genitrix, nostras deprecationes ne despicias in necessitatibus nostris sed a periculis cunctis libera nos semper Virgo gloriosa, & benedicta.

O R A T I O.

Beatæ, & gloriosæ semper Virginis Mariæ, quæsumus, Domine intercessio gloriosa nos protegat, & ad vitam perducatur æternam. Amen.

Psalmus I.

Magna es Domina, & laudabilis nimis in civitate Dei nostri; * & in universa Ecclesia Electorum ejus.

Misericordia tua, & gratia tua ubique prædicatur. * Deus operibus manuum tuarum benedicit.

Miserere nostri Domina, & sana infirmitatem nostram: * tolle dolorem, & angustiam cordis nostri.

Mitte Angelum bonum in occursum nostrum, * per quem ab hostibus defendamur.

Miserere nostri in die angustiarum nostrarum: * & in veritate tua irradia nos.

Miserere nostri Domina, miserere nostri: * quoniam tu es spes, & lux omnium sperantium in te.

Memento nostri, perditorum Salvatrix: * exaudi planctus, & suspiria nostra.

Miserere nostri Domina, & ora pro nobis: * in lætitiā bonā verte mœstitiā nostrā.

Miserere fervorum tuorum Domina: ✱
& ne sinas eos angustiari in tentationibus
suis.

Miserere nostri Regina gloriæ, & ho-
noris: ✱ & de omni periculo custodi vi-
tam nostram.

Miserere nostri Mater Salvatoris: ✱
præsta consolationem in tribulatione no-
stra.

Medere contritis corde Domina salu-
tis: ✱ & refove eos unguento pietatis.

Gloria Patri, & Filio, &c.

Psalms II.

Ad te Domina clamabo, & exaudies
me: ✱ in voce laudis tuæ lætificabis
me.

Ad te clamavi, cum anxiaretur cor
meum: ✱ & exaudisti me de monte San-
ctorum.

Amplectamur Mariæ vestigia, pecca-
tores: ✱ & beatis pedibus ejus provol-
vamus.

Accedite ad eam cum reverentia, &
devotione: ✱ & delectetur cor vestrum
in salutatione illius.

Accedite ad eam in tribulationibus ve-
stris: ✱ & stabiliet vos firmitas vultus
illius.

A rugientibus præparatis ad escam: ✱
de manibus quærentium nos liberati su-
mus gratia illius.

Attendite populi mei Præcepta Dei: *
& Regina cœi nolite obliuisci.

Aperite cor ad investigandam eam: *
labia ad glorificandam eam.

Accendantur affectus cordis in illam: *
& inimicos nostros induet confusione.

Abstulit a corde mœstitiam, & mœrorem: *
& suauitate sua cor nostrum dulcorauit.

Adorate illam in decore illius: * glo-
rificate Opificem pulchritudinis ejus.

Adjutorio suo sancto euasimus pericula
mortis: * & de sæua peste liberati su-
mus.

Gloria Patri, & Filio, &c.

Psalmus III.

Refugium tu es, Domina, in tribula-
tione nostra: * & virtus potentior
conterens inimicum.

Religiosi omnes honorate illam: *
quia ipsa est adiutrix & uestra spiritualis
advocata.

Recurramus ad eam in tribulatione no-
stra: * & eripiet nos de periculis nostris:

Recordare Domina: ut loquaris pro
nobis bonum: * & indignationem Filii
auertas a nobis.

Respice miseriam nostram, gloriosa
Virgo, * angustiam, & tribulationem
ne tardes remouere.

Recordare Domina, pauperum miserorum: * & sustenta eos ope refugii sancti tui.

Recordare nostri Domina, ut non apprehendant nos mala: * succurre nobis in fine, & inveniemus vitam æternam.

Resperge cor nostrum dulcedine tua: * fac nos oblivisci Angustias hujus vitæ.

Respice Domina humilitatem servorum tuorum: * & ne sinas eos periculis subiacere.

Respice nos servos tuos virtutibus sanctis: * & ira Dei non appropinquet nobis.

Respice Domina humilitatem cordis nostri: * libera nos de afflictione pessima

Reminiscere miserationum tuarum Domina: * & releva peregrinationem incolatus nostri.

Gloria Patri, & Filio, &c.

Psalmus IV.

In te Domina confido: * propter multitudinem misericordiæ nominis tui.

Judica me Domina, quoniam ab innocentia mea digressus sum: * sed quia in te speravi, non infirmabor.

In manus tuas commendo corpus, & animam meam, * totam vitam meam, & diem ultimum meum.

Influe nobis radios tuæ pietatis: *
& clarifica nos fulgoribus misericordiæ
tuæ.

Innova signa, & immuta mirabilia: *
ut sentiamus adiutorium brachii tui.

Intercede pro nobis salutifera Mater
Dei; * quæ Angelorum, & hominum sa-
lutem peperisti.

Infunde gratiam de thesauris tuis: *
& unguentis per aca dolorem nostrum.

Ingrediatur oratio nostra in conspectu
tuo: * & voces gementium ne despe-
xeris.

In manu tua, Domina salus, & vita
consistunt; * lætitia sempiterna, & æ-
ternitas gloriosa.

Inveniant quæso gratiam apud Deum:
* qui te in suis necessitatibus invocabunt.

In periculis, & rebus dubiis; * & in
necessitatibus cunctis invenientes adju-
torium dulce.

Ipsa enim mederis contritis corde; *
& refoves unguento pietatis.

Gloria Patri, & Filio, &c.

Psalmus V.

Ad Mariam, cum tribularer, clamavi,
* & clementia sua exaudivit me.

Ad te Domina levavi animam meam in
iudicio Dei mei: * & precibus tuis non
erubescam.

• Ave gratia plena, Deus tecum; * per quam salus mundi restauratur.

Ascendisti alternantibus hymnidicis Angelorum choris: * Archangelorum constipata rosis, & liliis coronata.

Ablue Domina omnia peccata nostra: * sana omnes infirmitates nostras.

Aufer a nobis tribulationem nostram: * & dulcifica omnem dolorem nostrum.

Avertatur a nobis ira Dei per te: * placae eum meritis, & precibus tuis.

Aperiantur nobis per te portae iustitiae: * ut enarremus omnia mirabilia tua.

Age Dominum accede rogatura pro nobis: * ut per te liberemur de angustiis nostris.

Adjutorium nostrum in virtute sit nominis tui: * per te omnia opera nostra dirigantur.

Ab omni perturbatione libera servos tuos: * & fac eos vivere sub pace, & protectione tua.

Adorent te familiae gentium: * glorificent te omnes ordines Angelorum.

Gloria Patri, & Filio, &c.

Kyrie eleison. Christe eleison. Kyrie eleison. Pater noster, &c.

v. Et ne nos inducas in tentationem.

R. Sed libera nos a malo.

v. Salvos fac servos tuos.

R. Deus meus sperantes in te.

- v. Mitte nobis auxilium de Sancto.
 r. Et de Sion tuere nos.
 v. Ora pro nobis Sancta Dei Genitrix.
 r. Ut digni efficiamur promissionibus Xti.
 v. Domine exaudi. &c. r. Et clamor &c.

O R E M U S.

Defende, quæsumus Domine. B. Maria
 semper Virgine intercedente, istam
 ab omni adversitate familiam & toto cor-
 de tibi prostratam, ab omni infirmitate,
 & peste, & ab omnibus tuere clementer
 periculis. Per Christum Dominum no-
 strum. Amen.

Antiphona, & Oratio contra pestem.

Stella Cœli extirpavit,
 Quæ lactavit Dominum,
 Mortis Pestem, quam plantavit
 Primus Parens hominum.
 Ipsa Stella nunc dignetur.
 Sidera compescere,
 Quorum bella plebem cædunt,
 Diro mortis ulcere.
 Gloriosa Stella maris,
 Summis digna laudibus:
 Nos a Peste tuearis,
 Et a mundi fraudibus:
 Medicina Christiana,
 Sanos serva, ægros sana,

Quod non valet vis humana,
Præstet tua gratia. Amen.

Audi nos Maria,

Nam Filius nihil negans, te honorat:
Salva nos Jesu.

Pro quibus Virgo Mater te orat.

℣. In omni tribulatione, & angustia nostra.

℞. Succurre nobis piissima Virgo Maria.

O R E M U S.

DEUS misericordiæ, Deus pietatis, Deus indulgentiæ: qui misertus es super afflictionem populi tui, & dixisti Angelo percutienti populum tuum: sufficit nunc: contine manum tuam; ob amorem illius stellæ gloriosæ, cujus ubera pretiosa contra venenum nostrorum delictorum dulciter suxisti, præsta auxilium gratiæ tuæ, ut ab omni peste, & improvisa morte secure liberemur, & a totius perditionis incurso misericorditer salvemur. Qui vivis, & regnas in sæcula sæculorum. Amen.

O B L A T I O

Sui ipsius Beatæ Virgini.

Pretiosissima Dei Genitrix, universorum Domina, & Princeps totius humani generis: cui serviunt Angeli, & Archangeli, Cherubim quoque, ac Seraphim, & universi Beatorum spirituum ordines, cum tota Curia Cœlesti, Ego N. homi-

num, creaturarumque vilissimus, motu proprio, tibi secundum Deum Dominum nostrum Dominatrici Nationum, & Principi Regum me totum dedo in servum perpetuum. Exspolio me omni meo, si quod habeo, jure, libertate, arbitrio, illudque totum in manibus tuis æternaliter depono. Posside me, o Domina, utere, tanquam servum tuum tracta, & exerce. O Domina sic fiat, oro, & ne digneris, aspernari quaecunque famuli tui obsequium. Sis tu Domina mea æterna, sim ego servus tuus æternus, dum Deus erit, cui honor in sæcula. Amen.

CANTICUM.

*SS. Ambrosii, & Augustini in laudem
B. V. translatum a S. Bonaventura.*

Te Matrem Dei laudamus:

Te Mariam Virginem profitemur.

Te æterni Patris Sponsam omnis terra veneratur.

Tibi omnes Angeli, & Archangeli,

Tibi Throni, & Principatus fideliter deserviunt.

Tibi omnes potestates, & omnes virtutes, cœli cœlorum, & universæ Dominationes obediunt.

Tibi omnes Chori, Tibi Cherubim, & Seraphim exultantes, assistunt.

Tibi omnis Angelica creatura incessabili voce proclamat.

Sancta, Sancta, Sancta Maria Dei Genitrix, Mater & Virgo.

Pleni sunt cœli, & terra, Majestatis gloriæ fructus ventris tui.

Te gloriosus Apostolorum Chorus, sui Creatoris Matrem collaudat.

Te beatorum Martyrum cœtus candidatus Christi Genitricem glorificat,

Te gloriosus Confessorum exercitus, Trinitatis templum appellat.

Te sanctarum Virginum chorea amabilis, virginitatis, & humilitatis exemplum deprædicat.

Te cœlestis curia Reginam honorat.

Te per orbem universum Ecclesia invocando concelebrat, Matrem Divinæ Majestatis.

Venerandam te veram Regis cœlestis Puerperam, Sanctam quoque, dulcem, & piam veneratur.

Tu Angelorum Domina, tu paradisi janua.

Tu scala Regni cœlestis, & gloria: tu thalamus, tu Arca pietatis & gratiæ.

Tu vena misericordiæ: tu Sponsa Mater Regis æterni.

Tu templum, & sacrarium Spiritus Sancti: totius Sanctissimæ Trinitatis nobile triclinium.

Tu

Tu mediatrix Dei & hominum: amatrix mortalium.

Tu agonizatrix pugnantium: Advocata pauperum, miseratrix & refugium peccatorum.

Tu erogatrix munerum: Superatrix, ac terror dæmonum, & superborum.

Tu mundi Domina: cœli Regina: post Deum sola spes nostra.

Tu salus te invocantium, portus naufragantium, miserorum solatium, perentium refugium.

Tu Mater omnium Beatorum: gaudium plenam post Deum: omnium supernorum Civium solatium.

Tu promotrix Justorum, congregatrix errantium, promissio Patriarcharum.

Tu veritas Prophetarum, præconium, & doctrina Apostolorum, Magistra Evangelistarum.

Tu fortitudo Martyrum, exemplar Confessorum, honor, & festivitas Virginum.

Tu ad liberandum exulem hominem, Filium Dei suscepisti in uterum.

Per te expugnato hoste antiquo, sunt aperta fidelibus Regna Cœlorum.

Tu cum Filio Tuo sedes ad dexteram Patris, roga Virgo Maria, quem nos ad judicandum credimus esse venturum.

Te ergo quæsumus tuis famulis sub-
veni: qui precioso Sanguine Filii tui re-
dempti sumus.

Æterna fac, pia Virgo cum Sanctis
omnibus nos in gloria numerari.

Salvum fac populum tuum Domina: ut
simus participes hæreditatis Filii tui.

Et rege nos, & custodi nos in æter-
num.

Per singulos dies o Mater te saluta-
mus.

Et Laudare cupimus usque in æter-
num.


Dignare dulcis Maria: nunc & semper
nos sine delicto custodire.

Miserere pia nobis: miserere nobis.

Fiat misericordia tua magna nobiscum:
quia in te Virgo Maria confidimus.

In te o dulcis Maria speramus: defen-
de nos in æternum.

Te o Mater Dei decet laus, imperi-
um: virtus, & gloria in sæcula sæculo-
rum. Amen.



Litanie lauretana

Mariae gloriosae. christi gloriosae:

Mariae gloriosae: christi gloriosae:

